

**DE TUSCULANO M.
T. CICERONIS NUNC
CRYPTA-FERRATA
ADVERSUS P.
JOAN. LUCAM...**

Basilio Cardoni






D. BASILII CARDONI

ADVERSUS

P. JOAN. LUCAM ZUZZERI

SOC. JESU

Disceptatio Apologetica.

- I.  Elebrem Marci Tullii Ciceronis Villam in ipso eodem loco, ubi Cryptæ-Ferratæ Monasterium est, olim extitisse, atque ex eo se longe lateque pandisse, vetus opinio est, jam usque a primis Cryptoferratenis Cœnobii ducta temporibus, & plurimum, atque doctissimorum Virorum consensu confirmata. Quia tamen nonnulli in medium prodire, qui opinionem illam variis rationibus, ac monumentis evellere conati sunt, inter quos Cl. Scriptor Joannes Lucas Zuzzeri Soc. Jesu eandem rem nuperrime aggressus est, &

pro viribus conatur statuere Tusculanam Ciceronis Villam eandem esse, quæ nunc *Ruffinella* dicitur, & a Collegio Romano possideretur (1); idcirco nos ut antiquitatum amatoribus pro virili parte consulamus, nostrique Monastici Instituti Studio-
sis diversos Cryptoferratensis Cœnobii status, vicissitudinesque enarremus; operæ pretium duximus, si hujusmodi rationes, & monumenta ad examen revocaremus, ac diligentius excuteremus: qua in re cum doctissimo P. Jo: Luca Zuzzeri nobis potissimum res erit.

II. Ut autem hujusmodi rem ordine suo persequamur, & Tusculanum Ciceronis in eo situ, ubi nostrum Cryptoferratense Cœnobium existit, positum revera fuisse auctoritate, monumentis, ac rationibus ostendamus; ab hujusmodi Tusculani voce, & tum antiqua loci ipsius appellatione, tum novo nomine eidem a multo tempore attributo libet exordiri.

III. Principio itaque illud sciendum est, circa Sæculi XI. fere dimidium hoc haberi, ut Cœnobii nostri situs, tractusque Crypta-Ferrata denominatus reperiatur: vetustius enim, atque primum, quod ea super re nobis monumentum occurrat, in Diplomate extat Pontificis Maximi Benedicti IX., initium cujus est: *Sicut plurimum gaudemus*; quodque Anno Domini MXLIV. editum est (2); in eo etenim Diplomate talis subscriptio habetur expressa: *Bartholomæus Ven. Abbas S. Mariæ Grotta Ferrata*: Quod certe quum XXXIX. post D. Nili ejusdem Cœnobii Fundatoris obitum, annum incidat; hoc pri-

(1) In *Dissertatione Venetiis anno 1746. edita, cujus titulus sic habet*: Sopra un' antica Villa scoperta sopra Frascati nelle appartenenze della nuova Villa del Collegio Romano.

(2) *Bullar. nov. edit. Roma ann. 1739. ad ann. Chr. 1044. pag. 352. ex Cod. Traversano edidit Nicolaus Coletus Ital. Sac. Tom. V. col. 1113.*

primum constat, vel ab ipsis Cœnobii ejusdem primordiis factum esse, ut Tusculanum hujuscemodi appellationem fortiretur. Porro autem tali denominationi occasionem datam, fuisse probabili conjectura dicendum est ab Imagine Sanctissimæ Deiparæ, quæ a SS. Nilo, & Bartholomæo in Crypta quadam collocata, cratibus ferreis obsepta fuit. Cui documenti superius allati veritati ne quis fortasse quidquam ex eo detractum existimet, quod in veteri Tabella, quæ in celebri PP. Benedictinorum Monasterio Sublacensi Ædiculæ SS. *Αἱ Ὁσίοις* condendis destinatæ affixa est, perspicue legitur, nempe: *Divi Basilii Magni Caputium . . . Divus Gregorius Nazianzenus . . . ex Cappadocia in Italiam Joanni Cappadoci Cryptæ-Ferratæ in Tusculo Abbati transmisit . . .* licet res parvi sane momenti sit, admonendus hoc loco lector est, ea in inscriptione, mendum inesse apertissimum, quod tali modo corrigendum sit, *Joanni Cappadoci Sanctæ Agathæ Cœnobii Abbati*; quippe quum de eodem fama sit, quod Anno Christi CCCLXX. Monasterium illud S. Agathæ prope Tusculum XV. ab Urbe milliario a fundamentis excitaverit. Eandem præterea denominationem Tusculani nostri tum ex aliis monumentis, tum ex lapidibus, ac præcipue ex marmorea Inscriptione, quæ prope sacram Cryptoferratenſis Templi Turrim parieti infixæ conspicitur, deprehendere est. Hæc enim Epigraphe, in qua trium supra decem Abbatum Cryptoferratenſium nomina exhibentur, est hujusmodi.

Obdorm

✠ ΕΚΟΙΜΗΘΗ· Ο ΑΓΙΟΣ ΡΗΛΟΣ· ΕΤΟΣ 3417,
 ΠΑΥΛΟΣ· Β· ΗΓΟΥΜΕΝΟΣ· ΚΥΡΡΙΛΛΟΣ· Γ· ΔΟΝΑ-
 ΟΣ ΒΑΡΘΟΛΟΜΕΟΣ· Δ· ΛΕΟΝΤΙΟΣ· ΣΑΡCΕΝΙ-
 ΟΣ· Ξ· ΛΟΥΚΑΣ· ΗΘΕΟΔΩCΙΟΣ· Θ· ΙΩΝΑΣ· Ι· ΝΙ-
 ΚΟΛΑΟΣ· ΙΑ· ΝΙΛΟΣ· ΙΒ· ΘΕΟΔΩΡΙΤΟΣ· ΠΑΡΕΛΑΒΟΝ
 ΤΗΝ ΗΓΟΥΜΕΝΙΑΝ ΕΓΩ ΝΙΚΟΛΑΟΣ ΤΟ ΠΑΙΔΙΝ ΤΗΣ
 ΚΡΥΠΤΟΦΕΡΑC ΚΑΙ ΤΟ ΥΡΟΦΡΑΪΝΟΥC· ΕΤΟΣ 3418·
 ΙΝΙ Ι ✠

Obdormiuit S. Nilus anno 6513. (Christi 1005.) Paulus II. Hegumenus, Cyrillus III., IV. S. Bartholomæus, V. Leontius, VI. Arsenius, VII. Lucas, VIII. Theodosius, IX. Jonas, X. Nicolaus, XI. Nilus; XII. Theodoretus. Accepi Hegumeniam ego Nicolaus Alumnus Crypto-Ferratae, & Rufrani anno 6640., (Christi vero 1132.) Indictione X. Prioribus tamen temporibus, & ante nostri Cœnobii foundationem non Crypto-Ferrata, sed Tusculanus appellabatur ager ille, quum præter dubium sit, a Tusculanis Comitibus D. Nilum liberaliter accepisse Tusculani agri portionem ad Cœnobiũ construendum, ut infra ostendemus (1). Ex quo fit, ut Tusculanum Crypto-Ferrata, & Crypto-Ferrata Tusculanum sit, ac merito dicatur.

IV. Id

(1) *Vide inferius num. XXXV.*

IV. Id ipsum asseverarunt Viri plane doctissimi, quos inter, ut Calmetium (1), & Cluverium (2), aliosque bene multos prætermittam, Philippus Ferrarius in suo Geographico Lexico (3) hæc habet: *Tusculanum Grottaferrata, & S. Maria di Grottaferrata. Villa Ciceronis apud Tusculum.* Jacobus Facciolatus in suo Vocabulario, quod studiose Juventuti magna cum laude concinnavit, ita scribit (4): *Tusculanum Grottaferrata, S. Maria di Grottaferrata; Villa Ciceronis in Agro Tusculano, nunc ibi Cœnobium insigne Monachorum.* Et Jacobus Proust Tusculanum sic interpretatur (5): *Quod in Tusculano Agro aliquot post annis Ciceronis prædium fuit, nunc insigne Monachorum Cœnobium, diciturque Grotta-Ferrata, Tusculum autem est Frascati.*

V. Jam vero clara in luce posito, quod Crypta-Ferrata, & Tusculanum idem sonare semper consueverit; ut planum deinde faciamus, tale Tusculanum illud esse, in quo M. Tul. Ciceronis Villa locata foret; monumenta, ac rationes, quæ rem conficiunt, proferre necesse est; & in primis ex loci notæ, atque characteres, nimirum illius positio, aëris qualitas, soli fertilitas, aliæque conditiones expendendæ sunt, quibus perspectis evincatur, omnia quæ Tusculano nostro conveniunt, Tusculano Ciceronis, atque ipsius Villæ convenire. Quum autem hujusmodi loci dotes inter alios à Strabone potissimum Geographo accuratissimo enarrentur; singillatim unaquæque ipsarum expendenda nobis erit, antequam Adversarii

(1) *In sua Universali Historia ad ann. Chr. 1004.*

(2) *Italic. Antiquit. Cap. II. Lib. III. pag. 994.*

(3) *Pag. 271.*

(4) *Voce Tusculanum.*

(5) *In notis, & interpret. Lib. I. M. T. Cicer. de Oratore not. 3. pag. 14. edit. Patav. 1722.*

sarii objectionibus respondeamus; ut luculenter innotescat, quam apte, & quam vere omnes Cryptæ-Ferratæ simul, & Ciceronis Villæ congruentes sint. Quod ut præstemus, integram Strabonis (1) descriptionem prius apponamus oportet. Τὸ γὰρ Τοῦσκλον, ait ille, ἐς τὸ λόφος εὐγεως, καὶ ἐνδρος, κορυφούμενος ἡρέμα πολλαχοῦ, καὶ διεχόμενος ῥασιλείων κατὰ σκάλας εὐπεπεσάτας. Συνεχὴ δ' ἐς τὸ καὶ τῷ Ἀλβανῷ ὄρει ὑποπτόντα τὴν αὐτῆς ἀρετὴν ἔχοντα, καὶ κατὰ σκάλην, Ἐφεξῆς δ' ἐς τὴν πεδιάδα, τὰ μὲν πρὸς τὴν Ῥώμην συνάπτοντα, καὶ τὰ προάσσια αὐτῆς, τὰ δὲ πρὸς τὴν θάλατταν. *Tusculanum enim hic est Collis terra fertilis, & irriguus, placido se attollens vertice multis in locis, regia, pulcherrimaque capiens ædificia. Continentia vero sunt illi, quæ Albano monti subjiçiuntur eadem prædita virtute, & ornamentis; dehinc planities est, qua quidem Romam, ejusque suburbia, qua vero mare contingens.*

VI. Ex hac autem Strabonis descriptione, ut discutendum proponatur quid pro nobis, quid pro adversario faciat; illud inprimis constituendum est, agrum illum, qui Tusculani nomine insigniendus, & in quo Ciceronianæ Villæ situs statuendus sit, debere esse primum terra fertilem, & irriguum, eminenti quidem loco positum, tum pariter minime adscensu arduum, sed talem, qui & multis, & amplis continendis ædificiis sit aptus, eoque soli ingenio, & præstantia præditus, ut & fertilitati, & aquarum copię continendæ quammaximè opportunus sit; quis autem non videt omnia hæc uni Cryptæ-Ferratæ, non autem Tusculi dorso, de quo Cl. P. Zuzzeri affirmat (2), apprime convenire? Ea siquidem non solum in eminenti planitie, teste Bernardo Sacchi (3), posita est, non solum

(1) Lib. V. pag. 239.

(2) Num. III. pag. 7.

(3) Lib. primo de Italic. Rer. varietate, & elegantia.

solum uvis , pulcherrimisque oleribus feracissima , & non solum in ea horti sunt olerum pulcherrimi , ut Pius II. animadvertit (1); sed & præterea nullus in istis partibus , tam aquis abundans Collis est , quam Crypta-Ferrata . Contra vero si loci illius natura attendatur , ubi noster adversarius positam fuisse Ciceronis Villam contendit (2) , manifeste deprehendetur , nullam ex iis laudibus habere , quæ a Strabone , Tusculano nostro tribuuntur , quæque Ciceronis Villæ convenire ex ejusdem scriptis , aliisque testimoniis comprobatur . Primum enim neque *εὐγύατος* , neque *ἐνυδρὸς ἀόφθου* erit : Quod autem præterea fertilis esse non possit , ea quidem fertilitate , quæ Tusculano , ex Strabonis verbis , assignatur ; ab ipsa ardui nimis montis natura , & ab aquæ defectu evincetur . Quum enim maxime ardua quæque loca silvestria ut plurimum sint ; permultum etiam fertilitati officit aquarum penuria , qua ea loca laborasse , evidenter colligere est ex iis , quæ mox dicentur , & ex quibus conficitur , attributa Tusculani nullatenus Villæ *Ruffinella* dictæ , maxime vero Cryptæ-Ferratæ convenire . Primo sane Ciceronis Villam valde irriguam fuisse perspicuum satis est ; atque eam aquarum copiam , præter alias , quibus ager noster imprimis abundat , per aquam potissimum illam , quæ Crabra dicta est , (ut mox pluribus erit demonstrandum) in eam fuisse derivatam . In aquæ autem Crabræ mentione , quæ a Frontino habetur , quum nulla de jugo , nulla de Tusculi monte verba fiant ; primum , & maximum hoc obstaculum Cl. Viro P. Zuzzeri erit ; ne is

b recte

(1) *Lib. II. pag. 570. Comment. Pii II. Pont. Opt. Max.*

(2) *Num. VI. pag. 9. , & Num. VII. pag. 10. hac habet : Prendendo poi la misura della distanza dal luogo della scoperta Villa , che sta sul fine delle altezze del Monte Tusculano . . . &c.*

recte efficere possit, Ruffnellam suam Ciceronis Tusculanum habendam esse.

VII. Et antequam de loco, ubi aquæ hujusmodi origo fuerit, quidquam dicatur, & priusquam probetur, ex mensura distantie, in qua aquæ ejusdem caput erumpebat, Crabram aquam montem, ubi Ruffinella est, perfundere minime potuisse, Sex. Julii Frontini (1) Viri Consularis, cui ab Imperatore Nerva aquarum cura demandata fuerat, verba recitentur: *Præter caput Aquæ Julię transiit aqua, quæ vocatur Crabra: hanc Agrippa omisit, seu quia usum improbaverat, seu quia Tusculanis possessoribus relinquendam credebatur; ea namque est, quam omnes Villæ tractus ejus per vicem in dies, modulosque certos dispensatam accipiunt, sed non eadem moderatione: Aquarii nostri partem maximam ejus semper in supplementum Julię vindicarunt. Exclusa ergo est Crabra, & tota jussu Imperatoris (Nervæ nimirum) reddita Tusculanis.* His autem Strabonis, & Frontini testimoniis tam aperte Cl. Zuzzeri rationes eliduntur, ut quamvis ille multa erudite proferat, & mox recitatas utriusque auctoris sententias sibi suffragari pro viribus contendat; luculenter tamen eidem adversari, facili negotio possit quisquis deprehendere. Frontinus equidem tacet quonam in loco Aquæ Crabræ fons prorumperet; attamen majores nostri, & loci illius habitatores perpetuo tradiderunt, eam supra Cryptam-Ferratam ad radices propemodum Albani Montis prorupisse, quod etiam doctissimi Viri Lucas Holstenius, & Ferrarius, seu Antonius Baudrand, qui ejus Lexicon Geographicum auxit, locupletavitque, non obscure affirmarunt. Ille enim in Notis ad Cluverium (2) Aquæ Crabræ fontem milliario circiter & dimidio supra

(1) *De Aquaductibus Cap. IX. edit. Poleni.*

(2) *Pag. 719.*

supra Cryptam-Ferratam, & passibus biscentum ab Aquæ Julix fonte se invenisse testatur; alter vero (1) memoriæ hæc tradidit: *Aqua Crabra . . . oritur in Latio ex Agro Tusculano paulo supra Cryptam Ferratam*; quæ quidem sententiæ cum Frontini loco nuper laudato maxime consentit: Sic enim Aqua Crabra ad omnes Tusculi Villas, quæ (si Gabinianam, vel alias pauculas excipias) haud in Tusculano monte, ut auctor est Cl. Antonius Mancinellus Horatii Interpres, sed sub Tusculo erant: (*sales enim Villa, ait ille, sub Tusculo erant, ut diximus*) (2) perducī comodissime poterat: Illud insuper ex Frontini loco notandum est, quod sententiā nostram, & rei veritatem maxime confirmat; Aquam scilicet Crabram modo uni, modo alteri Tusculani Villæ in dies distributam fuisse, *sed non eadem moderatione*, Aquariosque Romanos partem maximam ejus semper in supplementum Julix vindicasse, ex quo certe conficitur, quod, quantumvis juxta sententiā Cl. Zuzzeri (cui postea suo loco respondebitur) Aqua Crabra in monte, in quo fere omnes pro lubitu suo collocat Villas (3), Ciceronis Tusculanum irrigare potuisset, eum tamen vere irriguum, aquisque abundans, ut a Strabone dicitur, reddere non poterat.

VIII. Profecto ad eam Aquarum copiam conficiendam, etiam Tepulam Aquam confluisse certissime dicendum est. Ea autem quum etiamnum in Crypto-Ferratensī Territorio uberrime fluat, assertum nostrum maxime corroborat. Et sane, si quod Aldus Manutius Pauli filius (4) de Aqua Tepula

b 2

affir-

(1) Pag. 200. disti Lexici.

(2) In Ode prima Epodon.

(3) Num. LV. pag. 54., & 55.

(4) De Quæst. per epist. lib. III. pag. 33.

affirmat, perpendamus; hoc, quod diximus, verissimum esse reperiemus: *Aqua Tepula*, inquit ipse, ex *Agro Lucullano*, quem quidam *Tusculanum* credere, in *Cælium Collem*, *Aventinum*, & *Capitolinum* a *Censoribus Capione* & *Longino* perducta anno *Urbis DCXVII*. Hujus *Aquæ* fontes nulli fuisse, *Venis* quibusdam constabat, quæ interceptæ sunt in *Julia*: itaque caput ejus observabatur a *Piscina Julia*. Concipiebatur via *Latina* ad *milliarium XI.*, inde rivo suo in *Urbem* perducta *Julia* post mixta. Nam *Agrippa* Anno *Urbis DCCXIX.* ad *milliarium XII.* via *Latina* alterius aquæ proprias vires collegit, & *Tepula* rivum intercept; acquisitæque ab Inventore nomen *Julia* est datum, ita tamen divisa erogatione, ut maneret *Tepulæ* appellatio: Quæ quidem omnia non modo dictis *Frontini* (1) consentanea apprime videntur, quippè qui præterea de *Aqua Julia* loquens, eam ad *milliarium ab Urbe XII.* Via *Latina* euntibus ab *Roma* dextrorsus *millium passuum duum* collectam fuisse testatur; sed & *Ciceronis* menti & scriptis quam maxime congruit. Quum enim ex epistolis (2) ejus satis constet, ipsum aquarum copia valde delectatum fuisse; & quum una *Crabra*, quæ certa quadam mensura in dies *Tusculanis Villis* erogabatur, *Tusculano ἐνυδῆς*, seu illi aquarum affluentia, (ex iis quæ supra docuimus) minime sufficere potuerit; merito asseverare licet, *Crabram*, *Tepulamque* *Aquas Julia* mixtas in *Tusculanum* suum a *Cicerone* fuisse perductas. Idque ex eo magis ac magis fit verissimile, quia, quum aquæ istæ vel in ipso *Cryptæ-Ferratæ* Territorio erumperent, vel prope illud saltem fluerent, facile *Ciceroni* erat, easdem colligere, atque in *Villam* suam derivare.

(1) Loco citato in *Cap. IX.*

(2) *Epist. ad Famil. lib. XVI. epist. 18.*, & ad *Q. Fratrem epist. prima lib. III.*

vare . Quod autem de hisce omnibus nullus dubitandi locus reliquus sit ; satis est animadvertere , quod quantum ad Crabram , & Tepulam attinet , eæ adhuc in Crypta-Ferrata perdurant : de Julia vero , eidem aserto nostro firmitatem addit , quod idem Ferrarius scribit (1) : *Julia ab Aureliano ducta in Tepulam XII. ab Urbe lapide incidebat .*

IX. Ne autem ad hoc propositum ea a nobis dissimulentur , quæ ab adversario nostro coacervatim congeruntur , ad firmissima ea fundamenta convellenda , per quæ luce clarius evincitur , ex Aquarum Crabræ , & Tepulæ affluentia Ciceronis Villam in eo situ extitisse , qui a Strabone descriptus est ; quomodo idem Cl. P. Zuzzeri ratiocinationem nostram impugnandam aggressus sit , videamus (2) . Is profecto animadvertit , validissimo se constringi argumento , ea nimirum difficultate , quæ circa Aquam Crabram potissimum illi superanda est ; quo uno omnes illius rationes irritæ redduntur ; ideo variæ sollicitus exquirat effugia , variasque rationes aucupatur , quæ vel exigui momenti sunt , vel quæ invicem etiam inter se pugnant , adeo ut ipse sibi non satis in ea re constare videatur . Primum quidem permotus loco illo Ciceronis contra Rullum (3) : *Ego Tusculanis pro Aqua Crabra vestigal pendam , quia a Municipio fundam accepi , si a Sylla mihi datus esset , Rulli lege non penderem* : ad variantes provocat lectiones , *Crebram* pro *Crabra* , *Mancipium* legendo pro *Municipio* , atque hujusmodi rebus insistendo , quod ad rei , & difficultatis caput omnino non facit ; se difficultatis nodum dissolvisse per variationem vocum arbitratur ; neque videt , etiam si

(1) Pag. 58.

(2) Num. XLL pag. 40.

(3) Cap. II.

iam si *Crebra* legendum foret, opus esse, ut ipse ostendat, quænam sit Aqua illa, pro qua crebro habenda Cicero ipse Tusculanis vectigal pendere deberet. Hic Rhodus, hinc saltandum. Certe a Cl. Viro probandum, ac demonstrandum erat aliam primum, præter Crabram, esse Aquam, cujus Tusculani possessores essent, & quæ alia ab ea esset, quam Frontinus nominat. Hæc autem quum nulla sit, nec ab eo nominetur; contra vero ex luculentissimis Frontini verbis pateat, *Crabram* eam esse Aquam, cujus proprietas penes Tusculanos esset, ac possessio ab Agrippa & Nerva illis confirmata, & ex ea etiam Aqua omnes tractus illius Villas fuisse irrigatas; ab ipsa vectigalis pensione, quod idem adversarius minime animadvertit, manifesto deprehendimus, *Crebram* illam, quam ipse fingere vult, ac nobis persuadere, aliam certe nullam, esse potuisse, præter Crabram ipsam, de qua apertissima, & luculentissima testimonia, atque argumenta suppetunt. Sicque aut Codicum auctoritatem, quos numero plures allegat, valde infirmam videri debere, aut dicendum, quod licet lectio vera foret, *Crebra* illa Aqua non alia nisi ipsa *Crabra* sit, quam idcirco Cicero *Crebram* fortasse nominaverit, quod pro ea crebro habenda ad perpetuum vectigal solvendum Tusculanis obnoxius esset.

X. Neque plus præterea verisimilitudinis, aut rationis inest alteri argumento, quod idem Cl. Zuzzeri ex annorum serie (1) in sui patrociniū accersit. Is nimirum ut *Crebra* non *Crabra* in prælaudata adversus Rullum oratione legendum esse ostendat, ad tempus provocat, quo Ciceronis Villa aquæ istius beneficio irrigua esse incoeperit; ipsiusmet Ciceronis locum producit ex postremo ejus libro Epistolarum.

ad

(1) Num. XLVII. pag. 46.

ad Familiares (1) excerptum, in quo ab eodem Cicerone, Tironem suum alloquente, Crabra nominatur, mox ex eo loco Auctor conficit, Ciceronem ibi de Crabra emenda agere; & quum a tempore, quo habita est Oratio in Rullum, ad tempus conscriptæ epistolæ, secundum rationes ab ipso adductas (2), decem & octo anni intermedii sint, perspicuum inde esse autumat, *Crabram* in loco contra Rullum legi non posse, cujus Aquæ emptio nondum facta esset. Hic vero primum adversarium nostrum amice rogatum velim, undenam illi constet, in epistola ad Tironem de Crabræ emptione sermonem esse? Accuratissime legat, & perlegat integrum epistolæ contextum, mihiq; indiget, si valet, ejus locum, ubi emptio aliqua memoretur. Certe quum in ea epistola de variis aliis rebus sermo sit, posteaque verba illa excipiant: *De Crabra quid agatur . . . velim scire*. Levissima mihi conjectura, ne dicam somnium, esse videtur, quod de Aquæ Crabra emenda Cicero cum Tirone agat. Verumtamen, quoniam hîc res meris tractatur conjecturis, quibus Cl. Zuzzeri dissertatio contra monumentorum pondus tota innititur, demus nunc, ea in epistola Ciceronem de Crabræ emptione agere: quid quæso vetat in ista hypothesi, ne censeamus, Tullium ibi loqui de Crabræ emptione derivandæ non quidem in Villam suam, quam eadem Aqua pridem ablucebat, sed in alium agrum, seu fundum, quem ipse sibi esset comparaturus? Nonne hoc ipsum Cl. Zuzzeri dum sua interest, quamquam alio respiciens (3), animadvertit? Rursus quid vetat, ne dicamus, aliud quidquam evenisse, cujus causa Cicero de

(1) *Epist. XVIII. ad Tironem.*

(2) *Loco superius laudato.*

(3) *Num. XLIX. pag. 48.*

de Crabra meminerit , puta quod ipsius Aquæ pars diffluxisset , disperisset , sive quocumque alio modo deviata esset ; præsertim quum de unica Crabræ deficientia , alia aquarum copia suppetente M. Tullius agere videatur , dum ait : *Esti nunc quidem etiam nimium est aquæ* ; nisi forte ad imbres tunc temporis decedentes , ut ex ipso epistolæ contextu opinari quis potest , potuerit alludere .

XI. Verum bene habet , quod nobis rationes , & monumenta suppetunt , omnem hac super re scrupulum omnibus , atque adeo adversario nostro eximendi , eumdemque in angustum redigendi , ut amet deinceps non meris verbis insistere , & res quæ nullam cum iis affinitatem habent , deducere . Bene inquam habet , quod verba illa : *de Crabra quid agatur* : quid sibi velint , optime ex eo licet colligere , quod constat , revera Ciceroni de hac Aqua Crabra litem aliquando fuisse ; ad quam litem per quam verisimile est , per ejusmodi verba epistolæ ad Tironem alludi , quod quidem Cl. P. Zuzzeri vel ignoravit , vel dissimulavit . Melius præterea habet , quod de hujusmodi Aquæ controversia in Oratione pro Cornelio Balbo non modo aperte loquitur , ubi Jurisconsultos nominat , quos ea super re consulebat , sed tali modo loquitur , ut nostro adversario valde quidem displicuerit , & omnem , quam in suis differentiis verborum , locorumque machinationem facit , evertat omnino : *Si nos de Aqua nostra Tusculana M. Tugionem potius , quam C. Aquilium consulebamus* ; audiat Cl. Vir , audiant in antecessum adversarii , *de Aqua nostra Tusculana* , agnoscantque , aquam , quæ nomine est Crabra , Tusculanam a Cicerone nominari ; quod indubitanter affirmat Grævius in locum illum Ciceronis hisce verbis : *Crabra Aqua , quæ nunc Marrana dicitur* .

XII.

XII. Et quoniam ad convellenda ipsa firmissima fundamenta, per quæ Tusculanum asseritur nostrum, & quæ in irriguitate Soli, & Crabræ scaturigine vim validissimam habent, Adversarius ipse (1) super nominibus modo Villæ, modo fundi, alias Horti tergiversatur; operæ pretium est animadvertere, non modo eum sibi minime constare, sed ea quæ aperte contra ipsum sunt, sæpius in asserti sui confirmationem assumere. Hoc vero manifestissimum fit ex eo, quod ipse assert ad evincendum, quod etiam si *Crabra* in loco Orationis contra Rullum legi oporteat, adhuc ex distinctione Villæ, & fundi, Ciceronis Villa non in loco Crabræ, sed alibi, ubi ipse nimirum vult, ponenda sit. Quum enim Cicero in dicta Oratione affirmet, se vectigal Tusculanis pro aqua Crabra pendere, quia a municipio, non autem a Sylla fundum accepisset; statim Cl. P. Zuzzeri arripit occasionem deducendi; quum pro fundo se vectigal pendere Tullius affirmet a Tusculanis accepto, non autem a Sylla dato; Aquam Crabram ad fundum dumtaxat, non autem ad Villam pertinere debere; immo præterea fundum, & Villam in Ciceronis loco res esse inter se diversissimas, ac propterea Villam in loco plane diverso, quo Crabra minime pertingat, esse reponendam. Præclaram argumentandi rationem! quæ ab ipsis Ciceronis verbis ineptissima convincitur. En verba Ciceronis: *Ego Tusculanis pro Aqua Crabra vectigal pendam, quia a municipio fundum accepi; si a Sylla mihi datus esset, Rulli lege non penderem.* En autem quod ex verbis illis, etiam si cum P. Zuzzeri fundus pro re a Villa distincta haberi velit, a nobis deducitur magis certe probabili deducendi ratione, quam vana, ut plerumque fit, conjectandi forma; ex hoc enim quod Ci-

c

cero

(1) Num. XLIX. pag. 48. & seqq.

cero se ad pendendum Tusculanis pro Aqua Crabra vestigal, quoad fundum ab illis acceptum, se pronunciet obnoxium, a qua obligatione se immunem ait fuisse futurum, si a Sylla accepisset; arguimus nos, & merito arguimus ex ipsa acceptionis distinctione, & Syllæ nominatione Crabram ad Tusculanum, seu Villam, seu fundum debuisse pertinere. Manifestum est enim, quum per occasionem, in qua de pendendo tributo agitur pro fundo a Tusculanis non a Sylla dato, unius Crabræ mentio habeatur; per axioma illud fieri, ut eadem, quantum ad ipsius Aquæ Crabræ relationem, censenda sint, siue fundus, siue Villa, quæ vel a Tusculanis, vel a Sylla quovis titulo Ciceroni eidem data forent.

XIII. Verum hæc obiter a nobis dicta fuerint, & ut umbras umbris opponeremus, obsequuturi adversarii ingenio, qui ludicris plane armis pugnans, valida, quæ contra ipsum sunt, tela nequaquam advertit. Non advertit, inquam, locum hunc maxima vi ipsum, & Ruffinellam suam impetere; siue quia ad assertum suum corroborandum Auctorum verba temere assumit; siue quia Auctorum loca oscitanter, & textum sine contextu legit. Profecto enim, si locum Orationis contra Rullum attente examinasset, & caput illud Agrariæ legis, in quod Cicero invehitur, attendisset; luce clarius observasset, non ad alium finem a Cicerone de vestigali pro Aqua Crabra pendendo mentionem fieri, nisi ut ante Populi Romani conspectum ponat effectus, qui ex legis illius acceptione existerent, utque detegat, quorsum versutia, ac malitiosa Tribuni Plebis lex collimare videatur; ad quod ostendendum, vestigal, quod ipse pro sua unius ejusdemque Tusculanæ Villæ aqua pendebat, exempli dumtaxat gratia in medium profert. Qua quidem ex re neutiquam illud emergit,

git, quod opinatur Adversarius, distinctionem fieri fundum inter a municipio acceptum, & Villam, quæ a Sylla ad eum pervenire potuisset. Verum conficitur apertissime, Villam suam eam esse, pro cujus Aqua Crabra idcirco ipse Tusculanis vestigal pendebat, quod fundum in emptione ea conditione acceperat, quæ illi inerat, quum illi mancipio tradita est. Quod si Cl. P. Zuzzeri (1) animadvertisset; primum cum optimis & exemplaribus, & Criticis *mancipio* dumtaxat, legendum putasset; (quia si *municipium* legas, nullus Ciceronianæ argumentationis, atque contextus Orationis sensus sit,) deinde deprehendisset, non duas innui venditiones, ac duarum rerum distinctarum, sed totum sermonem per hypotheseosim, ut ajunt, esse; animadvertisset ad verba illa: *quæ post Marium, & Carbonem Cofi..... data, assignata, vendita, concessa sunt*, ad quæ Cicero alludit per illa verba *si a Sylla mihi datus esset*; atque id evidenter confecisset, Ciceronem, de Villa sua, quæ certe Syllæ fuerat, hoc declarare, nimirum quod si ea per illas assignationes, aliasve ejus generis concessionem data illi fuisset; futurum fuisse, ut diversæ conditionis censeretur (videlicet immunis,) quam illius conditionis, cujus erat, quod a se mancipio esset acquisita; ex quo tantum abest, ut id, quod Adversarius vult, confici possit de Villæ nimirum, & fundi distinctione, ut potius ex eo vel cuiusque manifestum fiat, de una eadem Villa, Tusculana, nempe, sub diverso tamen titulo, ac respectu sermonem haberi.

XIV. Præterea, recondita quidem non sunt, quæ (2) de diversa Villæ, fundi, horti acceptione animadvertit, quum

c 2

nemo

(1) Num. XLII. pag. 41. & seqq.

(2) Num. XLIX. pag. 48.

nemo sit paululum in antiqua verborum Latinorum significatione versatus, qui hujusmodi res ignoret. Nemo, inquam, ignorat, pro diversa vocatione, quas Scriptores ipsi quandoque affigere voluerunt, notione, diverso quandoque modo alias intelligi Villam, alias hortum, alias fundum; aliam præterea esse Villam Urbanam, aliam rusticam, aliam fructuariam: cæteraque id genus. Verum quid tum? Est enim etiam certissimum, vocem hanc fundum, ut plurimum in genere, ut ajunt, accipi; ac per eam totum & prædii, & Villæ, totiusque rusticæ possessionis tractum comprehendi: ex quo etiam factum est, ut pro tota aliqua sorte seu pecuniaria, seu in alio bonorum capite consistente intelligatur. Quod sane etiam evidentissimum ex eo efficitur, quod vox ea fundus a Romano Oratore ad Populum Romanum prolata, ut illud obtineret, quod Orator ipse intendebat, absurditatem nempe novæ Agrariæ legis ostendere, ejusmodi esse debebat, quæ in universæ multitudinis mentibus talem notionem excitaret, per quam non de exigui cujusdam prædioli conditione immutanda, sed de maximis rerum possessionibus, & juribus, quæ super iisdem haberi possent, disceptaretur.

XV. Sed jam ut ad aliud illud deveniamus ex iis, quæ in principio posuimus, ad alteram nempe notam a Strabone assignatam, per quam Tusculani ab ipso descripti dotes cum amœnis deliciarum Tusculi Villis, cumque Villa Tusculana nostra congruere videantur; pergratum illud se offert, quod Tusculanum ipsum describatur, nempe Collis non solum terra fertilis, & irriguus, quæ dotes Tusculanæ Villæ; quam confingit Adversarius, ut hætenus ostensum, minime conveniunt; verum etiam quod his multis in locis & placido sit adscensu, seque veluti suaviter, & sensum attollat; quod quidem

dem novæ Cl. P. Zuzzeri opinioni tam contrarium est, totque rationum ipsius, quibus ad eandem suam opinionem sustinendam adducitur, absurda ostendit; ut si parum sibi constans in iis visus est, quæ hætenus circa controversiam de Aqua Crabra excussimus; multo sane inconstantior in iis, quæ mox examinanda sunt, manifesto deprehendatur. Is igitur contra præcipuam hanc, quam nunc discutimus, Strabonis de Tusculano notam, atque omnium receptam, & confirmatam opinionem, genio tantum indulgens, & partibus suis; nequaquam veritus est, Ciceronianam Villam ex placido, amœno, & æquabili Collium tractu, ubi per tot annos sita fuit, repente convellere, & in magis arduam Tusculi summitatem transportare, utque eam autem ibi retineat, operæ pretium est, lectorem perpendere monumenta rationum, quibus eandem circumvallat.

XVI. Inter alia itaque ait Adversarius Ciceronis Villam in summo Tusculo debere esse positam, quod (1) Gabinianæ Villæ propinqua esset. Hic vero, ut omittamus, unde ipsi de certo Gabinianæ Villæ situ constet, concedamusque Gabinii Villam in eo situ, ubi ipse vult, fuisse collocatam; alterum sequitur, ut ipse idem duo alia explanet, tum Ciceronis Villam revera illi fuisse conjunctam, seu conterminam, tum ex hujusmodi propinquitate confici eandem Ciceronis Villam in præcelsa illa altitudine sitam esse debuisse. Ad hoc probandum autem fiducia plenus Ciceroniana illa arripit (2): *Quam Domus in Palatio, Villa in Tusculano altera ad alterum Consulem transferebantur... in fundum Vicini Consulis (Gabinii) non instrumentum, aut ornamenta Villæ, sed etiam arbores transfe-*

(1) Num. VI. pag. 8. & seqq.

(2) Pro Domo sua Cap. 24.

transferebantur. Grave sane, & Achillæum tale argumentum Adversario visum est, ut in summo Tusculi vertice Ciceronis Villam fuisse debeat existimari: Nobis vero perquam levissimum: primo quod hoc testimonium non sit gravitate sua alteri testimonio, & auctoritati præponderans, cujusmodi a nobis præmissum est: secundo, quod res Oratorio more, & exaggerandi causa prolata, vix minimum habent fidei momentum in iis, quæ ad historiam pertinent; postremo vero, quod tot reponi nullo negotio possunt, tot hinc pugnantia se manifestant, tot absurda emergunt, ut hujusmodi vicinitas, quæ dici possit, prorsus nihil asserto nostro officiat. Principio ne tantum fidat Cl. Vir super hujusmodi vicinitatis voce, neve tum ipse allucinetur, tum alios in allucinationem inducat, ad Logicæ scientiæ Canones eum mentem revocare velim, atque attendere, quænam maxima falsorum ratiociniorum inter homines causa potissimum existat. Ea autem sine dubio est, quod homines voces relativas, quæ per se nihil, nisi cum respectu ad aliam quampiam rem, innuunt, pro re aliqua, tamquam positiva, & per se existente accipiunt. Atque hoc est, videlicet id, quod ipsi Cl. Viro imposuit. Vicinitatis vocabulum unum ex relativis vocabulis est; nec ex eo, quod vicinus a Cicerone dicatur sibi Consul Gabinus, deducendum statim est, Villam illius Gabinii Villæ proximam, atque contiguam fuisse; quum potuerit itaque Ciceronis Villa Gabinii Villæ vicina aliarum Villarum respectu affirmari, etiamsi aliquanto nec modico intervallo distans esset: libens altera illa illa Ciceronis verba, quæ Adversarius noster ex alio loco adducit ad hanc rem probandam, usurpavero (1): *Bona ad vicinum Consulem de Palatio, de Tusculano ad item vicinum alterum*

(1) *Post redit. in Senatu Cap. 7.*

terum Consulem, deferebantur; Quid sibi velint hæc verba, nisi ad ideas relativas attendamus, argumentationem conficiamus talem plane, qualem Cl. P. Zuzzeri (1): *Se addunque la Villa di Gabinio era situata nell'altetze del Monte Tusculano, e se quella di Cicerone l'era vicina, convien dire, che stesse sul medesimo Monte ancor questa*. Mirum ni idem Adversarius tali ratiocinationi addiderit, quod erat demonstrandum; immo vero nos in ejusdem gratiam addemus, quod talis a vicinitate necessitas erat, ut ipsa in Tusculano monte sita esset; ut, si non aliter fieri posset, Gabinianæ Villæ esset imponenda.

XVII. Cui necessitati Ciceronianam Villam in tam arduo loco imponendi, quoniam ex Adversarii sententia suffragari antiqui Horatii Commentatoris locus tam manifeste videtur, ut super eo is serio audeat triumphare; operæ pretium est, Poetæ versus, & Interpretis expositionem hîc referre, ut Lector per se ipse a principio agnoscat, quam infirma sint ea argumenta, quibus idem Adversarius tamquam fortissimis, & evidentissimis rationibus, & monumentis pugnare sibi persuadet. En Horatii versus (2):

Nec ut superni Villa candens Tusculi

Circea tangat mœnia

Et Commentatoris verba: *Superni hoc est in Monte siti, ad cujus (Montis) latera superiora Cicero suam Villam habebat Tusculanam*. Quid ergo? Quid inde ex hujusmodi nempe Commentatoris verbis conficiendum esse vult Cl. P. Zuzzeri? Nempe clarissime argui, Ciceronianam Villam in summo montis vertice, ac supra Tusculum sitam fuisse. Ego autem pace ejus-

(1) Num. 6. pag. 9.

(2) Epodon Od. prima vers. 29.

eiusdem dicam, ex talibus Commentatoris verbis, nihil minus confici, quam quod ipse intendit affirmare. Et ne cuiquam scrupulum moveant duo illa verba, *latera superiora*; ad inferiora paulum descendamus, & in particula, seu propositione *ad*, & voce *latera* ab Interprete apposita tantisper immoremur; statimque deprehendemus, Ciceronis Villam, non in superioribus quidem Tusculi jugis, sed ad eorundem latera superiora collocatam; quod idem est ac dicere, Ciceronianam Villam *prope*, seu *versus* latera ipsa superiora, inferiorum respectu, sive ad eorundem radices sitam extitisse. Cujus particulæ usum si Cl. P. Zuzzeri (1) animadvertisset, quod sexcentis Latinorum Auctorum exemplis ad rem nostram probare possemus; non tantopere quidem super Commentatoris verbis exultasset, quasi auctoritatem omni interpretatione, atque exceptione superiorem, ut ipse ait, a se stantem haberet.

XVIII. Ex hujusmodi autem ratiocinandi methodo, mirum non est, si alia etiam Adversarius peccet, atque in situ Villarum statuendo, Villæ tantummodo, seu primarii ædificii rationem habeat, nec secum reputet, quanta earundem extensio esse possit, & quantum quoquoersus spatii comprehendant. Sane quidem qui sedulus fuit in dimetiendo intervallo (2), quod a Crypta-Ferrata ad summum Tusculi dorsum intercedit; poterat item etiam aliquam mensuram instituire, ac mente concipere totius tractus, vel ambitus, quo magnificæ illæ Villæ contingerentur, ac tali ratione nec eas tam in angustum conjecisset, quam mox demonstraturi sumus, seque aliis exsolvisset nodis, qui nullo negotio expediuntur, atque

ca

(1) Num. IV. pag. 7. & 8. Ibidem num. V.

(2) Num. VII. pag. 9. & 10.

ea in re operæ nostræ pepercisset ad ea diluenda, quæ nullius momenti sunt. Ex quibus illud, in quo tam fortiter pugnat, (verba nempe Ciceronis superius recitata) *In fundum autem Vicini Consulis non instrumentum, aut ornamenta Villæ, sed etiam arbores transferebantur* (1), facillime etiam explicatur; ubi animadvertitur, Villam aliquam, magnificam potissimum extensione sua non modo domum, seu insulam, verum & alia rustica ædificia, prædiæque adjuncta, ac fundos complecti posse, unde & bene eo respectu vicinitas Consulis Gabinii, atque arborum, cæterorumque ornamentorum, sive instrumentorum translatio in ejusdem fundum convenire posse intelligatur; & magis quod Adversarius alio loco (2) fundi vocabulum in sententia sua contra nos pro parvi etiam prædioli notione accipiendum esse contendit.

XIX. Porro autem ad has rationes, quæ Adversarii ejusdem nostri assertum de Ciceronis Tusculano in summo Monte locando plane subvertunt, alia accedunt obstacula, atque impedimenta, a quibus ut se expediat, hoc opus hic labor erit. Magna enim illi se offert difficultas ex variis aliis Ciceronis locis, in quibus pro descriptione, quam apponit, situs aliarum Tusculi Villarum, partiumque Villæ suæ ad illas respectu, Cl. P. Zuzzeri Topographia efficta de conjunctione Gabinianæ & Ciceronianæ Villarum omnino evanescit. Quomodo autem hac de re plane convincamur, singillatim expediam. Primum Cicero hæc habet (3): *Vir magnus & nobis omnibus amicus L. Lucullus ferebatur quam commodissime respondisse, quum esset objecta magnificentia Villæ Tusculanæ,*

d

duos

(1) Num. VIII. pag. 10, & 11.

(2) Num. L. pag. 49.

(3) Lib. III. de Legibus.

duos se habuisse vicinos, superiorem Equitem Romanum, inferiore Libertinum, quorum quum essent magnifica Villa, concedi sibi oportere, quod iis, qui tenuioris ordinis essent, liceret.

XX. Quum autem omnibus verioribus argumentis constet, Villam paullo ante nominatam Gabinii Villam fuisse; quamnam inibit rationem Adversarius, ut inter Gabinii & Luculli Villam spatium inveniatur ad Ciceronianam suam collocandam? Quod autem ea, quæ Luculli Villam contingebat. magnifica Villa, quæque excelsio loco erat posita, Gabinii reipsa esset, planissimum fit Ciceronis ipsius verbis, quæ sub-
subjicimus (1): *Villam ædificavit in oculis omnium tantam, Tugurium ut videatur esse illa Villa, quam ipse Tribunus Plebis pictam olim in Concionibus explicabat, quo fortissimum, ac summum Civem in invidiam homo castus, & non cupidus vocaret, & alibi* (2). *Ad cælum . . . extruxit Villam in Tusculano visceribus Ærarii; & alia illa* (3): *Ad hunc Tusculanum montem extruendum: quod autem præterea altera Luculli foret, manifestum fit ex comparatione, quæ utriusque a Cicerone fit per verba illa: Tugurium ut jam videatur esse illa Villa* (Lucullana nempe), ad quam ipse Tullius, utpote illi Gabinii oppositam & propinquam alludit. Hinc autem multa confici possunt, quibus semper inverisimilior, atque improbabiliior Adversarii sententia ostendatur, nostra autem magis magisque confirmetur. Si enim pro vero hic probatum est, Gabinianam Villam superiorem, Lucullanam illi proximam, & præ illa inferiorem; ex sententia autem Adversarii ejus-

(1) *Oratio pro Sextio cap. 43.*

(2) *Pro Domo sua cap. 47.*

(3) *In Pisonem cap. 21.*

eiusdem (1) nonnisi dux tantum Villæ in Tusculi summitate locari possint, dicendum erit, Ciceronianam Villam extra prædicti montis summitatem, atque adeo in loco monte ipso inferiore ponendam esse: quod alia etiam ex re magis probatur.

XXI. Ex pluribus Ciceronis ipsius testimoniis (2) certum est, Villæ suæ in Tusculano Lucillum vicinum habuisse, & Tullii ipsius morem fuisse, quoties in sua diversabatur, ad Lucullanam identidem sæpe se conferre librorum petendorum, vel aliquid lectitandi gratia. Certe si talis Villa (Ciceronis) in eo Tusculi dorso fuisset, quod Cl. P. Zuzzeri descripsit, & non Gabiniana potius, ex eo tam edito loco in Luculli Villam, quam sic longe inferiorem habuisset, contendens, per non modicum tractum descendere debuisset, unde in Ciceronis ipsius lucubrationibus, ubi de tali transitu in Luculli Villam mentionem facit, verba hæc *descendimus*, vel *descendi* reperiremus; quemadmodum ubi voces illæ propriæ sunt, ab eo factitatum invenimus. Sic enim de sua Academia loquens, quæ in suo Tusculano erat, quæque inferiori in loco posita erat, habet (1). *Post meridiem in Academiam descendimus*, & alio in loco (2): *Itaque expositis Tridui disputationibus, quartus dies hoc libro concluditur, ut enim in inferiorem deambulationem descendimus*. Quum tamen ipse accessum suum ad Lucullanam Villam significat, verbo veniendi non descendendi usum deprehendimus (3). Nam, inquit, *quum*
d 2 in

(1) Num. X. pag. 12.

(2) De Finibus lib. III., & IV.

(3) Tusculan. Quæst. lib. II.

(4) Ibidem lib. IV.

(5) De Finibus lib. III.

in Tusculano essem, vellemque e Bibliotheca pueri Luculli quibusdam uti libris, veni in ejus Villam, ut eos ipse, ut solebam, inde promerem; quo quum venissem . . . & post pauca, caussa fuit huc veniendi; ut quosdam hinc libros promerem . . . veni ut auferrem (Commentarios Aristotelicos) quos legerem, dum esset otiosus; tandemque sermonem, quem cum M. Catone illic instituerat, sic clausit (1). Sed quoniam advesperascit, & mihi ad Villam revertendum est, nunc quidem hactenus: verum hoc idem sepe faciemus: ex quibus postremis etiam verbis magnum accedit pondus ad evincendum, nequaquam fieri potuisse, ut Villa Ciceronis in loco Ruffinellæ esset sita. Quum enim non modo nulla de descensu, & adscensu per Ciceronem mentio fiat, sed etiam de frequenti hinc atque hinc reditu sermo habeatur; *quod & sepe faciemus*, & prius, *veni in ejus Villam, ut eos ipse, ut solebam*, inde promerem: vel ex hoc ipso extra omnem dubitationis aleam poni debet, non fieri potuisse, ut ex tam arduo, & difficili tractu, provecta jam ætate quum esset tunc Cicero, tam facile ac libenter ultro citroque commearet. Eo vel magis quoque, quod quum hujusmodi frequens accessus & recessus cominendi gratia institueretur, nemo non videt, quam inverisimile sit, eruditas disputationes a doctis illis habitas, dum se vel præcipiti loco, ut ita dicam, dimitterent, vel ardua montium conscenderent.

XXII. Sed quid pluribus argumentamur? Tam perspicua, tam manifesta signa sunt verba ipsa, quæ Cicero ad hanc rem usurpat, ut vel sola omnem explodant Adversarii hypotheseos improbabilitatem; quodque maximum est, magis magisque Strabonis ideam de Tusculani situ, & genio, nostram-

(1) *Ibidem lib. IV.*

stramque , & æquiorum eruditorum de Ciceroniana Villa in Crypta-Ferrata traditionem confirment . Convenit nos inter , atque Adversarium , præter primarium ædificium , duo alia Ciceronem gymnasia habuisse , atque aliquanto ab eo ædificio distita , ac remota , ad quæ animi gratia identidem diverte-
 bat; superius nempe alterum , cui nomen Lycei , alterum inferius , quod Academiæ nomine distinguebatur . Hic jam consulantur Opera Ciceronis ; ubi de suo ad utrumque locum accessu mentionem habet : ob oculos ponatur Topographiæ species , quam P. Zuzzeri proponit : convertantur autem oculi ad Crypto-Ferratenfis situs facilem illum æquabilemque tractum . Quid ait Cicero ? quibus verbis utitur ? sequentibus ; quæ licet non ignoret Adversarius , eaque laudet ; mirum sane est , eum non videre quam perperam sententiæ suæ respondeant . Et quidem sic habemus (1) : *Quibus de rebus & alias sæpe , & paulo accuratius nuper quum essem cum Q. Fratre in Tusculano , disputatum est : nam quum ambulandi causa in Lyceum venissemus ; id enim superiori Gymnasio nomen est* (2) . Et *Nam quum de Divinatione Q. Frater ea differuisset , quæ superiore libro scripta sunt , satisque ambulatum videretur , tum in Bibliotheca , quæ in Lyceo est , adsedimus .* Quibus exprimendi formulis , quas adhibet pro itinere ad superius Gymnasium significando , non absimilia etiam usurpat , quum de altero loco agitur , qui respectu prioris erat inferior , ut facile intelligas non de operoso itineris molimine , sed de commoda ingrediendi opera rem intelligi , & quam maxime verbis Strabonis *ἡρέμα κορυφούμενον* , placidos se at. tollens adscensu , hæc omnia respondere (3) . *Itaque quum*
ante

(1) *De Divinitat. lib. I. cap. 1.*(2) *Ibidem lib. II. cap. 1.*(3) *Tusculan. disputat. lib. II. cap. 1. , & lib. III. cap. 1.*

ante meridiem diſtioni operam dediſſemus, ſicut pridie feceramus, poſt meridiem in Academiam deſcendimus . . . eſt autem ambulantiſ ad hunc modum ſermo ille nobis inſtitutus (1): Et Itaque expoſitis Tridui diſputationibus, quartus dies hoc libro concluditur, ut enim in inferiorem ambulationem deſcendimus, quod idem feceramus ſuperioribus diebus: ſic aſtares eſt.

XXIII. Et quoniam ad peculiarem ædificiorum mentionem, quæ in Ciceronis Tuſculano, præter princeps Villæ ædificium, exiſtebant, devenimus; & in eo adhuc verſamur loco, ut pugnantes Cl. P. Zuzzeri inter ſe rationes excutiamus; non videtur & hanc prætermitti debere, quæ ex iis quæ repugnantiam habent, omnium repugnantiffima eſt: quod ex iis animadverſionibus, quas hic ſubjicimus ad evidentiam uſque compertum habemus. Ex Ciceronis verbis, & ex Patris Zuzzeri confeſſione (2) conſtat, memorata ædificia invicem inter ſe diſtantiæ non modicum habuiſſe. Animadvertat ergo Lector; ſi in ſententia Adverſarii Ciceronis Tuſculanum in Ruſſinella ſtatuatur, quid inde abſurdi exoriturum ſit. Si enim ipſe, ut evincat, Tullii Villam in memorato loco eſſe, ad ſpatii menſuram confugit, & Gabinianæ Villæ vicinitatem ſuam præcipuam, & maximam rationem adducit, eamque ita propinquam facit, ut nonniſi tertia milliarii parte diſſitam velit (3): Hic ego eum optimo jure rogaverim, ut ſpatium mihi indicet, in quo ſuperius Ciceronis Gymnaſium reponendum ſit, vixque tractum, per quem inſtitutæ illæ ad commentandum deambulationes conficerentur. Non modo enim ſecundum

(1) *Ibidem lib. IV. cap. 1., & lib. V. cap. 1.*

(2) *Num. XIII. pag. 15.*

(3) *Num. XL. pag. 60.*

dum mensuram ab ipso positam, deambulationis locus deerit, verum utriusque Villæ ambitus tam angustis limitibus erit circumscriptus, ut altera in altera contineri debere videatur. Quod autem Tusculanum Ciceronis fundo late extenso nequaquam careret, tum ex dictis ambulationibus ad utraque separata, atque inter se distantia Gymnasia, optime colligitur; tum ex regula illa in ædificandis Villis præscripta, ut fundi & Villæ spatia apto sibi modo responderent. Cato (1): *Ita ædifices, ne Villa fundum querat, neve fundus Villam*, & Plinius (2): *Modus hic probatur, ut neque fundus Villam querat, neque Villa fundum quum Villa Scævola fundus careret, Villa Luculli agro*, ex quibus postremis maxime verbis Plinii ostenditur, minime factum esse, ut & Cicero in huiusmodi errorem inciderit. Quum enim is, ut alibi diximus, Lucillum vicinum haberet; quam notam in ædificandi ratione Lucullus incurrit, ab eadem certe Cicero nequaquam immunis evasisset. Quæ quum ita sint; aut sententia Adversarii nostri prorsus vel ex hoc inverisimilis est; aut debito spatio duabus Villis Gabinianæ & Ciceronianæ assignando, confectum quidem Ciceronis Tusculanum totam pene Gabinianam occupare, Gabinianus autem fundus tam longe extendi deberet, ut intra vetus Tusculum collocandus foret.

XXIV. Quarta restat nota, secundum quam, ex Strabonis sententia, Tusculanum Ciceronis non in dorso Tusculi, five in Ruffinella, optime vero in Crypto-Ferratenſi Agro sit reponendum. Quid igitur ait Strabo? Quid de Tusculano affirmat? Profecto Collem hunc non modo fertilem, irriguum, variisque in locis placidissime aſurgentem, verum & regiis, pul-

(1) *De Re Rustica cap. 3.*

(2) *Hist. Natur. lib. XVIII, cap. 6.*

pulcherrimisque ædificiis exornatum esse aperte testatur. Hoc autem in præsentia nobis instat, ut probemus, non modo notam hanc Cryptæ-Ferratæ quam maxime convenire, verum etiam id tam esse contrarium systemati Adversarii nostri, ut luce clarius perspicuum fiat, omnia contra illum esse, cuncta autem pro asserti nostri confirmatione pugnare. Atque ut ab iis, quæ minoris momenti ducimus, exordiamur; utque aliis, quæ pro se assert, atque objicit Cl. P. Zuzzeri, paria referamus; hoc considerandum lectori primum proponimus, quinam sit vere is locus, qui regiis pulcherrimisque ædificiis capiendis aptus esse possit. Nosterne qui, ut adhuc probatum est, placido ac suavi adscensu se erigit, & lato tractu protenditur, an vertex angustus, & præruptus, quem nobis Adversarius noster vindicare contendit? Hoc autem Crypto-Ferratensem nostrum agrum invisenti factis prius, quam rationibus apertum fiet. Quocumque enim lustrando accesserit; pauca prædia; paucas Villas inveniet, in quibus veterum pavimentorum, ædificiorumque disruptorum materies conspicua non sit. Ex hisce autem nos in hac dissertatiuncula nostra pauca sane ex quamplurimis dabimus, idque non ea gratia, ut monumenta hæc eruditis proponere, aut hisce armis pro causa nostra, quibus certe non eget, pugnare velimus, sed ut ex hac etiam parte noverit Cl. Vir quid novis suis inventis, ac monumentis ex parte nostra referri possit.

XXV. Ne igitur hic expendendum proponamus (quod non minimam meretur animadversionem) Monasterii nostri veteris ædificii partem tali in loco sitam conspici, ubi sub terram diversæ vetustatis reliquæ porticus appareant reticulato opere insignes, ne de orbiculata mensa disseramus, quæ,
ut

ut nonnullorum tulit opinio (1), ille est Trapezephorus, cuius meminit Cicero (2), quique in Pamphilianam Villam via Aurelia, una cum Hermathena ab eodem Cicerone (3) commemorata, & prope Cœnobium nostrum reperta, translatus fuit, ne item hîc recenseantur statuae M. Tullii Ciceronis, & M. P. Catonis nominibus insignitæ, ac duæ illæ æneæ, quæ a Friderico II. Nuceriam hinc asportatæ (4), & marmoreæ Inscriptiones, sive litterati lapides, qui alio pariter avestî, & ablati sunt (5), & denique anaglyptici operis monumentum, quod Cœnobii Palatio supra Atrii ostium apposita in muro inscriptione (6) etiamnum conspicuum est, ad alia pergendo, quæ variis in locis Cryptoferratenfis Agri reperiuntur; primum vetustorum ædificiorum, quod tibi lector exhibemus, vestigium, ac monumentum in loco extat, qui non procul a Monasterio nostro distans est, cui ab antiquis Romanorum balneis, nomen factum est *la Bagnara*. Hoc autem in loco non modo antiquissimæ Fabricæ rudera adhuc visuntur, verum etiam circa eundem anno 1750. sumptibus Cardinalis de Polignac marmorea, pulcherrimaque signa, atque Inscriptiones erutæ sunt, quæ in Placentinii Græcæ Pronunciationis Commentariolo relata videre est (7). Eadem porro

- (1) *Sciommari Not. XXXIII. alla Vita di S. Bartolomeo in Roma 1728. pag. 192.*
- (2) *Famil. lib. VII. epist. 23.*
- (3) *Attic. lib. primo epist. 1., & ibidem epist. 3.*
- (4) *Tannon. Tom. II. edit. Rom. ad ann. 1243.*
- (5) *Vide Sciommari loco cit. pag. 193., & seqq.*
- (6) *Conjiciunt posteri quæ & quanta fuerint Tusculanam Villam exornantia signa, mensa, aliaque Monumenta, quæ Nuceriam a Friderico II. translata ex hac una tabula velut e naufragio relicta, quam conservari curavit Franciscus Barberinus S. R. E. Vice-Cancellarius.*
- (7) *Pag. 51. & seqq.*

etiam veterum substructionum vestigia Cœnobii nostri Vineæ repræsentat, quæ in Clivo posita, & maris adspectu, & aperto Sole jugiter gaudet, cui nomen nunc *la Vigna grande*; ubi musivi operis, veteris ædificii, & aquæductuum reliquias superstites videmus, quæ latere variis, pulchrisque figuris impresso clauduntur. Quod si Dom. Octaviani Vinetum adeas, ubi Hospitium Monasterii, (ab eo siquidem parum distat), atque Nosocomium quondam extitisse fertur, eadem fere antiquitatis signa pariter tibi occurrent; quum in eo vetustæ fabricæ, & rudera visantur, in eodemque aquarum receptacula, atque aquæductus quondam reperti sint.

XXVI. Quid deinde si Rosati vineam in eodem Cryptæ-Ferratæ positam Territorio ingrediaris? Mirum quantum ibi confirmatum Strabonis dictum agnosces, ubi in ea rudera veterrimæ, atque amplissimæ Villæ, & porticus, atque muros, uti vocant, reticulatos, reliquias insuper antiquissimæ viæ grandibus saxis constratæ ibidem videbis: per quam occasionem, ut aliquid de eruditione in studiosi Lectoris gratiam, delibandum præbeamus; paucula hîc adnotamus, ac delineata exhibemus, licet nec ad assertum nostrum probandum necessaria, neque vero magni momenti sint. Via igitur illa, quam memoravimus, *Vinigifia* dicebatur, cujus Syllam auctorem fortasse fuisse, rotunda hæc tegula, quam subjicimus, indicare videtur.

Vini-



Vinigifa Via Sul., scilicet Sullæ. In aliis vero lateribus

M. PVBLI L. POTI

DOMITI

T. DOM.
PRON. COS.

Quas forte ultimas litteras *legere* possumus, Aproniano Consule.


c 2

In

In fragmento marmoris optimi

:::: IOLANI

Ex quibus conicere quis poterit, eum fundum diversis temporibus diversos Dominos, eosque Urbis primarios habuisse: Neque hîc sane prætereundus Passarini fundus est, non amplius quam XL. circiter passuum a Crypta-Ferrata disjunctus, ubi triginta pene sepulcra tegulis constructa, variisque vasculis, & lucernis exornata anno 1735. detecta sunt; quarum, nonnullæ apud nos asservantur. Quam per occasionem ad sepulcrorum antiquitatem magis illustrandam, non omittendum duco, integram, quam inibi reperiri contigit, regulam hîc expressam apponere.



Marcii L. Laberii secundi sepulcrum; ubi signum illud post eas litteras SEP. pro Tau esse accipiendum perquam verisimile

le est, ut ex Placentinii Palæographia (1) recognosci potest.

XXVII. Aliud præter hæc, & non ineruditum sese offert monumentum, hæc item regiones perlustrando abeunti tibi ad pontem usque *de Squarciarelli* vulgato nomine dictum: ubi in vinea, quæ ibi est, insulatus, ut ajunt, murus conspicitur, cui nomen est *la Torre delle Streghe*, apud quem pulcherrima marmorea Inscriptio reperta fuit, quam idcirco dimidiatam exhibemus, eo quod alteram marmoris partem fundi Dominus, deletis characteribus ad alium imprudens usum adhibuit.

<p> : : : : : TAEMAT : : : : : : VCTOER : : : : : : : ABINO : : : : : : : VSTO : : : </p>
--

Qua in Inscriptione conjectura ducor, Sabini & Venusti, qui Consulatum gessere anno Christi CCXL., mentionem haberi. Neque vero, si pontem, cujus nuper mentionem feci, transmiseris, deerunt tibi testimonia vetustorum ædificiorum; maxime ubi in fundum *Canonici Dondoli*, qui proprius Algido, montique Albano est, te converteris.

Idem pariter dicendum, si DD. *Gavotti* prædium invisere animus sit, quippe quum in eo tum complura anaglypha affabre elaborata ibidem reperta, & novæ domus parietibus infixæ, tum asaroti vetustissimi reliquias in Cella Vinaria conspecturus sis, tum denique vetustissimas aliquot Inscriptiones deprehendes, e quibus hæc tantummodo tabulam fictilem, utpote pulcherrimam exponam.

(1) Pag. II.

Nempe



Nempe Opus servile Fortunati Mardone ex prædiis Titi Manlii Maximi Severi.

XXVIII. Tandem autem ne per omnia excurrendo nimis longum faciamus, aliud addemus monumentum, ex quo luculentius innotescat, Cryptam-Ferratam, seu Tusculanum magnificis nobilium Romanorum Villis, atque ædificiis totum propemodum fuisse circumseptum. Tale monumentum, ac testimonium præstat Codex antiquus (1) de Vita S. Bartholomæi IV. Abbatis Cryptæ-Ferratæ, Templique Fundatoris, ex quo perspicimus, in sacro eo Ædificio extruendo ex circumjacentibus antiquis ædificiis materiam fuisse subministratam: quam ad rem Codicis ipsius verba subijcimus: Τὴν νῦν Σιῶν Θεομητόρειον Ἐκκλησίαν οἰκοδομᾶν, κτίσιν ἐπιμήκεσιν αὐτὴν, ἐπεσῆριξεν ἐν τοῖς παλαιολόγοις ἐφευρηκώς: Μέλλωντος ἐνὸς τῶν Κιόνων ἀφ' ὧν κατὰφάρεσθαι οὐ χεῖσιν, κειμνωδης γὰρ

(1) *Signat. lit. A. num. 26. Tit. Bies; vj. Ακλουθ. τὸ Ὅσιον Βαρθολομ. φυλλ. CXI. a tergo.*

γὰρ ὁ τόπος ὑπῆν. *Novam Sion Deipara Ecclesiam extruere, aggressus ipsam columnis proceris, quas in circumjacentibus antiquis edificiis invenerat, voluit inniti: quum autem una ex columnis non ministerio manuali ab eminenti parte deducenda foret, locus quippe suberat praeceptis.* Quæ quum ita sint, & quum ex omnibus indiciis, ac notis, quibus a Strabone Tusculanum describitur, satis superque effectum sit, antiquam, & nostram de Tusculano Ciceronis opinionem optimis & rationibus, & monumentis esse circumfultam; quis mirari satis poterit, unde Adversario nostro in mentem venerit, neglectis totius loci evidenti descriptione, illiusque naturæ qualitatibus, & situs circumstantiis, in editissimum alium, & plane arduum, angustumque locum non modo Ciceronis Villam, sed alias plerasque transportare? Qua in re quoniam præter alia objecta, & commenta, quæ nosse, & mirari operæ pretium fuit; nonnulla adhuc restant, quorum inverisimilitudo silentio omittenda non est; propterea rursus cum eo nobis ulterius disceptandum erit, ut reliqua conficiamus, quæ ipse vel in auctoritatibus, vel in rationibus plane cum veritate, & non modo cum asserto nostro, sed etiam cum dictis suis pugnantia in medium protulit.

XXIX. Is siquidem, ut Strabonis locum, quem contra se facere quivis alius, præter ipsum, manifesto agnosceret, in partium suarum munimentum traducat; provocat ad contextum, utque ex eo certius aliquid pro se efficiat, priori errori alium addit; qui error ut omnibus fiat in aperto, laudata per ipsum Strabonis verba cum sua, quam apposuit versione hic subjicimus (1): *Κεκόσμηται δὲ (τὸ Τῦσικλον) ταῖς κύκλῳ φυταῖς, καὶ οἰκοδομαῖς, καὶ μάλιστα ταῖς ὑποπιπλύσαις ἐπὶ*

(1) Num. LV. pag. 55.

ἐπὶ τὸ κατὰ τὴν Πάμυν μέγος : cioè ; *Il Tusculo è abbellito all'intorno da alberi, e da edifizj, e specialmente da quelli, che stanno nel dorso dalla parte di Roma.* Eidem tuam lector ! quam bellus tibi, nedum ratiocinator, sed interpret etiam sermonis Græci Cl. P. Zuzzeri videtur ? Propositum illi in universa Dissertatione sua fuit, lectoribus persuadere in Rusticellæ suæ sitû Ciceronis Villam extitisse ; idque ut ostenderet, postquam in sententiis Auctorum, quos citat, exponendis aberravit, in ipsis deinde verbis, & re grammatica labitur. Et sane poteratne is voce ὑποπλάτεις magis abuti, quam revera abusus est, vertendo οἰκοδομίας ὑποπλάτεις, *edifizj, che stanno nel dorso* ? Ego autem ad hoc non Græcorum Scriptorum, aut Lexico-graphorum auctoritatem oppositam in re tam parvi momenti, quum satis notum vel iis, qui leviter imbuti in Græcis rudimentis sunt, præpositionem ὑπὲρ verbis præpositam relationem dicere rei inferioris ad superiorem. Ex quo notionem, quæ occurrit in verbo ὑποπλάττειν, tam male ab asserto suo stare manifestum est, quod scilicet ædificia, de quibus quæstio est, desuper & in dorso existant, ut potius talis verbi notio omnino declaret ædificia ipsa in loco, dorsi illius respectu, decliviori, eidemque subjecto esse collocata. Quod & rem nostram apprime confirmat, & illi etiam difficultati explanandæ conducit, cui tamquam maximi momenti nobis oppositæ de illo Commentatoris Horatiani dicto *ad latera superiora*, abunde satisfacimus (1).

XXX. Et quoniam de ædificiis præcipua hîc nobis mentio est, a verborum interpretatione ad res redeundo iudex sit mecum Lector, dum illi observandum propono quomodo Cl. P. Zuzzeri memorata ædificia, alias universa in summo Tuscu-

(1) *Super. num. XVII.*

Tusculi dorso sita velit, alias vero cæteris omnibus Villis remotis, binis omnino Villis locum dumtaxat relinquat. Si enim illius dissertatio continuo, & ordine percurretur, modo eum uno in loco (1) ita deprehendimus affirmantem: *Sappiamo da Strabone, che la maggior parte di queste Ville stavano sul dorso del Monte Tusculano dalla parte di Roma*; modo vero altero in loco eundem sibi contradicentem (2) reperimus. *Offero, che nella parte, o lato superiore di questo Monte non possono facilmente collocarsi altre Ville, che la da me creduta di Gabinio, e questa di cui parliamo. La prima era di grandissima estensione . . . e occupa tutto quasi quel tratto, che è fino al Suburbio dell' antico Tuscolo. Dalla parte poi della nostra Villa verso Roma, per un gran tratto il Monte è molto ripido, nè pare a proposito per altre fabbriche molto grandi. Lo stesso, e molto più si dica dalle parti a Mezzodì, e a Tramontana. Neque hic tantummodo in differendi ratione, quam* adhibet, Adversarius ingerit contradictionem, verum etiam ad Aquam Crabram quod spectat, de qua pluribus superius est dictum; nequaquam in iis constans reperitur, quæ semel affirmavit. Postquam, enim ad refellendum constantem opinionem & stabilem de vero Ciceronis Tusculani situ, Aquæ Crabræ obstaculum, quod maximum illi erat, inanibus fundamentis, & conjecturis quæqua potuit convellere, licet frustra, conatus est; in alium errorem impexit. Aquæ enim Crabræ originem, quam sibi vel non plane perspectam, vel in situ Tusculi dorso inferiore ponendam prius esse non erat inficiatus (3), quod id minime asserto suo officeret, eam ori-

f gine

(1) Num. LV. pag. 54.

(2) Num. X. pag. 12.

(3) Num. XLIX. pag. 48.

gine rursus, probabilibus secundum se argumentis, multo eminentiorem fuisse affirmare nequaquam veretur, idque ratione argumentandi, cuius tum in forma, tum in materia, uti mox ostendemus, manifestum peccatum est. Is siquidem postea ad probandum, eas Villas, quæ in supremo Tusculi dorso fuerint, Crabra Aqua fuisse irrigatas, huiusmodi formare videtur Syllogismus: qui tamen, quum male conformatus, & ab auctoritate, & sensu scriptorum, quos laudat, omnino diversus sit, omnimode falsitatis evincitur (1). Ait enim ipse: Ex Frontino nobis constat, quod omnes Villæ Tusculani de Aqua Crabra participabant (2). Sed ex Strabone nobis traditur quod major Tusculanarum Villarum pars sita esset in summo Monte (3). Igitur Aquæ Crabræ origo supra Tusculi dorsum est repetenda.

XXXI. Falsam esse huiusmodi argumentationem singulas præmissas expendendo, eruimus sequenti ratione. Talis enim syllogismus, qui ita prolatus bene habere videtur, peccat primo, quod major propositio quantitate falsa est, quia id quod particulari dicto verum est, pro universo accipit. Minor vero omnino inficianda, quod Strabonis verbis pugnat. Conclusio igitur, quod Aqua Crabra supra dorsum Tusculi originem haberet, tota corrui. Quum enim a Frontino de Aqua Crabra dicatur, quod omnes Villæ tractus ejus dispensatam accipiunt, idem est ac dicat, quod peculiare Villæ tractus ejus, (scilicet regionis, in qua excurrit Crabra) dispensatam accipiunt, & en major quantum quantitate peccat A Strabone autem vere, & non perperam, ut Adversarius abu-

(1) Num. LV. pag. 54.

(2) Num. LV. pag. 54.

(3) Ibidem.

abuitur ; intellecto quum afferatur , quod major Villarum pars Tusculano dorso esset subjecta , non superposita , quod a nobis superius demonstratum est , minoris propositionis en patens falsitas ; ac proinde talis ratiocinatio merum Sophisma est , quod a Cl. Viro quaque methodo exhibitum sit , revera tamen sensum habet hujusmodi . Aliquæ Villæ tractus Tusculani accipiunt Aquam Crabram . Omnes fere Villæ subjectæ non suprapositæ sunt Monti Tusculano . Ergo Aqua Crabra originem ducit a summo Monte Tusculano .

XXXII. Quam tandem ad rem efficacius convellendam , videndumque quantum Adversarius noster Scriptorum auctoritate , & Strabonis potissimum contra se aperte faciente abutatur , verba ipsa tum Interpretis nostri , tum Strabonis hoc loco sunt repetenda (1) , ubi Cl. P. Zuzzeri probare nititur Crypto-Ferratonsem Agrum extra Tusculanum agrum esse , reponendum . *Quanto si stendesse il Territorio, o sia l'Agro Tusculano non lo sappiamo precisamente ma che poi vi si stendesse verso Mezzodì dalla parte del Monte Albano , e di Grotta-Ferrata non solamente non può provarsi , ma inoltre se crediamo agli Autori antichi la Valle contigua al Monte Tusculano , nella quale sta Grotta Ferrata , appartenea al Territorio Albano .* Ibi vero ut conficiat a meridie , seu Albanum versus , nihil fuisse extra Montem , quod ad Tusculanum pertineret , in idem erratum impingit , alienum prorsus ab Auctoris verbis sensum , suarum partium studio , affingendo . *An qui amant ipsi sibi somnia fingunt ?* En somnia Cl. P. Zuzzeri manifestissima de male intellectis verbis Strabonis , nihil dissimilia ab iis , quæ superius de alia Græca interpretatione sunt adnotata . Ita Strabo ait . *Συνεχὴ δ' ἐστὶ καὶ τὰ τῷ Ἀλβανῷ*
f 2 . βαρῷ

(1) Num. LVII. pag. 57.

βανὺ ὅς ἐα ὑποπίνοντα τῷ αὐτῇντε ἀετὴν ἐχοῖτα, καὶ κατὰ σκευὴν, ita vertit noster Adversarius (1): *Ad esso colle sono immediatamente congiunti i luoghi soggetti al Monte Albano, i quali anno gl'istessi pregi, e ornamenti*. Quis autem in hujusmodi interpretatione non hallucinationem apertam, non contradictionem, & meræ vocis significatus detorsionem ad integri contextus manifestum sensum depravandum, animadvertat? Et quantum ad hallucinationem, ea quidem manifesto deprehenditur in additamento illo ab Adversario factò: *Ad esso colle sono immediatamente congiunti*. Ut enim is persuaderet, meridiem versus Colle Tusculanum terminari; ante interpretationem vocis *Συνεχὴ* addidit verba illa: *ad esso Colle*, tamquam per vocem ipsam *συνεχὴ* non agri quidem Tusculani continuatio, seu tractus innueretur, quem Strabo describendum sibi præfigit, & quem totum ipse Adversarius supra recitavit, sed ibi Tusculano limes poneretur, ac propterea non de Tusculano agro, sed de Tusculi Monte mentio fieret, in quo quidem res ad paralogismum recidit, quemadmodum supra in alia argumentatione ab eodem factum fuit.

XXXIII. Quod vero ad contradictionem hoc satis aperte evincitur ex verbis, quæ statim ab Adversario subjiciuntur, in quibus sibi ipsi non constat, quodque prius posuerat, per se ipse statim evertit. Posuerat enim (1): *Che quella parola Τοῦσκλον significa Tusculanum, lo ha già avvertito il Fabretti, ed è certo, giacchè la descrizione che siegue, non può essere della Città del Tuscolo*. Usque adhuc bene. Vide autem ex hoc quid, & quam apposite deducat. *Addunque Strabone*

rac-

(1) Num. LVII. pag. 57.

(2) Ibidem.

racchiude il Tusculano nel solo Monte , nè gli dà altra estensione verso il Mezzodì, poichè afferma , che al Tusculano, che per lui è il Monte del Tusculo, (en iterum aliud ex alio somnium, & in contrarium torta verba Auctoris, atque sententia,) sono immediatamente congiunti i luoghi soggetti al Monte Albano. Animadvertite, amabo Lector, jurene, an injuria, nos Cl. Virum P. Zuzzeri imprudentiæ insimulemus. Animadvertite, inquam, atque perpende verba hæc : *luoghi soggetti al Monte Albano*. In memoriam redige quomodo Adversarius in Strabone superius interpretando, voce ὑποπίπτω prius abusus sit (1), vide quomodo nunc plane contrarium, licet verum eidem sensum attribuat.

XXXIV. Verum ut detur in præsens, consistere ea posse, quæ ipse in sua Topographia ad libitum ponit, quæ corruent mox, iis excussis & repetitis, quæ superius ab ipso de Tusculani Montis angustia statuta erant; in ipso Strabonis textu paulo diutius insistentes, non ab re erit Lectori observandum præbere, quam aperte Adversarius omnibus fucum facere in re nemini ex ipsis verbis non manifesta videatur. Perpendamus, amabo, verba illa : Συνεχὴ δ' ἐστὶ καὶ τὰ τῷ Ἀλβανῷ ὄρει ὑποπίπτοντα, τὴν αὐτῆς ἀρετὴν ἔχοντα, καὶ κατασκαδὴν. Perpendamus totam ex verborum consequutione Scriptoris Geographi mentem, perpendamus alia verba : Τὸ γὰρ τοῦ σκλον ἐνταύθα ἐστὶ: Nonne luce clarius existit, sententiam Auctoris totam, descriptionemque eo tendere, ut universum illum tractum comprehendat, legentique ante oculos ponat, quem Tusculani sui ambítu contineri apertissime innuit? Hoc sane nisi ex voce Συνεχὴ, quæ ex verbo Συνέχω, quod comprehendendo sonat, & contineo, clarissimum fieret; ea certe, quæ

(1) Num. LV. pag. 55.

quæ sequuntur, prorsus jugulant Adversarium, καὶ τὰ τῶν Ἀλ-
βανῶν ὄρεα ὑπερῶντα; quippe quum particula tales καὶ, &
τὰ, non limitem loci, sed tractus continuationem, tum vi
propria, tum textus ipsius consequutione evidentissime im-
portent. Qua re germanus textus hujusmodi Græci sensus est:
*Tusculanus hic est Collis terra fertilis, & irriguus, placida
se attollens vertice multis in locis, regia, pulcherrimæque ca-
piens ædificia. Continentia vero sunt illi, quæ Albano Monti
subjiciuntur, eadem prædita virtute, & ornamentis.* Continen-
tia, inquam, quod idem est, ac continua, sive cum tractu
illo continuata, quod ut paullo ante confirmaturos spondimus,
non ex textu modo Stabonis luce clarius affulget, sed
ratione ipsa, & evidentia, aliisque Adversarii ipsius assertis
raturum efficitur. Qui tamen ut proposito suo velificaretur, &
Ruffinellæ situm antiquæ Ciceronianæ Villæ situm esse persua-
deret, Tusculanum in tantas angustias coarctavit, ut nonnisi
duarum Villarum capax esse constanter asseveraverit.

XXXV. Quonam Cl. P. Zuzzeri se vertet, quænam spa-
tia, nisi imaginaria, designabit, (positis maxime iis, quæ de
prærupti Montis arduo, & inaccessu situ ab ipso jam statuta
sunt) ad antiqui Tusculani tractum locandum, mentemque
Strabonis, ut par est, tuendam, ubi ipse spatium Albano
Monti subjectum, & Crypto-Ferratensem agrum excluderit? Ne
dicam hoc loco quomodo factis etiam, & veridicæ Historiæ
monumentis sese opponet, addita etiam traditione, ex qui-
bus apud doctos viros pro certo, & constanti habetur, Cry-
pto-Ferratensis agri tractum Tusculanum tractum esse, & Tu-
sculani appellatione semper insignitum fuisse? Quomodo Cal-
metii claram & apertam hac super re sententiam infirmis suis
con-

conjecturis audebit infirmare ? qui (1) de S. Nili adventu, & Monasterii Crypto-ferratenſis fundatione loquens, ita aperte pronuntiat. *Gregorio Conte di Tuſculo avendo inteſo l'arrivo del Santo, venne a proſtrarsi alli di lui piedi, e gli diſſe : Servo di Dio io non ſon degno, che voi entriate ſotto il tetto di un peccatore, quale ſono io : tuttavolta perche ad eſempio del voſtro Signore mi avete preferito alli giuſti, per peccatore che io ſia, eccovi la mia caſa, la mia Città, e tutto il ſuo Territorio, diſponetene come meglio vi piacerà* S. Nilo gli domandò un luogo atto per orare in ri-poſo, e Gregorio volentieri glielo accordò. *Queſto era un picciolo rimafuglio della Caſa di Campagna di Cicerone, nomata la Grotta di Ferrata.* Qua ratione præterea iis quæ memoriæ & Mſs. Bibliothecæ Crypto-Ferratenſis conſignata, diligenter uſque adhuc adſervantur, reſfragabitur ? in quibus de D. Nilo, quum primum divino quodam affatu ad ea loca, & ad Gregorium Comitem Tuſculanum acceſſit, talia ipſius Comitſ verba ſunt deſcripta ſunt : *Ecce domus mea, totumque cum ſuo Agro oppidum ante te eſt ; quidquid de iis libueris, jubeto : Cui S. Pater reſpondit . . . particulam in diſione tua nobis concede* Gregorius autem magna alacritate implebat, quod iuſſum erat &c. ex quibus clare aperteque colligitur locum illum, ideſt Cryptam-Ferratam, qua S. Nilus a Comite Tuſculano donatus fuit, pro Monasterio ædificando, in agro Tuſculano extitiſſe. Quare Humphridus Hodius (2) de Cardinali Beſſarione verba faciens, recte, inquit : A Pio II. anno 1463. præfectus eſt Monasterio Cryptæ-Ferratæ in Villa Ciceronis Tuſculani ſito, ubi more Græcanico Sacra peragebantur,

(1) *Storia Univerſ. lib. XCVI. §. LXXI.*

(2) *De Græcis illuſtribus, Londini 1742. pag. 143.*

tur, quod novis & pulcherrimis ædificiis instaurabat. Verissime etiam Bernardus Sacchi edisseruit, dum ita scripsit (1): *Ab uno Tusculano (agro) tantum nature experimenta petam, ubi Frascati olim Vicus, nunc Oppidum, & elegans Crypta-Ferrata jacent, in quo Monasterio Græco sermone & ritu divina celebrantur. Quam ad rem apposite pariter Tusculanarum rerum consultissimus P. Eschinardus Soc. Jesu in hunc modum se expressit (2): Il Territorio de' Tusculani ne' tempi antichissimi si vuole fosse di maggior estensione, e che si stendesse dalla parte de' Volsci al Mare, e ciò per sentenza di Strabone: e che avesse per altro termine i Monti, che ora si chiamano la Fajola; e che dalla parte di Tramontana terminasse col Territorio di Tivoli, di Palestrina, Gabj, e Pedani: ma di poi le cose si mutarono.*

XXXVI. Et quoniam de auctoritatibus hoc loco sermo est, & Adversarius etiam iis innixus, Cryptoferratensem agrum a Tusculano excludere non uno loco aggressus est; operæ pretium fuerit hinc animadvertere, quam graviter in hoc offendat, & perperam argumentetur. Quam ad rem quia nimis clare pronunciat, & Livii gravissimi Historici laudando verba, serio triumphare confidit; Cl. P. Zuzzeri ipsius verba, laudatumque ab eodem Livii textum subjicimus, ut appareat, rectam non esse ejus argumentationem. Ait enim is (3): *Ma che poi vi si stendesse (l' Agro Tusculano) verso mezzodì dalla parte del Monte Albano, e di Grotta-Ferrata, non solamente non può provarsi, ma in oltre se crediamo agli Autori antichi, la Valle contigua al Monte Tusculano, nella quale*

- (1) Cap. VII. num. 5. (2) Descrizione di Roma, e dell' Agro Romano pag. 278. stampato in Roma nel 1750.
(3) Num. LVII. pag. 57.

quale s'è Grotta - Ferrata ; appartenea al Territorio Albano ; Eaque intonat Livii verba (1) : *Obvii sunt descendantibus ab Tusculano in Vallem Albanam*. Quid autem inde conficit Adversarius ? Igitur extra Tusculi montem nonnisi Albana Vallis occurrit, ac propterea quidquid in ea situm est, extra Tusculanum est. Recte quidem scilicet ! At quomodo id conficit ? quomodo deducit ? eo modo, quo eum aliis in locis facere consuevisse demonstravimus ; nimirum suas ad arbitrium ideas vocibus affingendo. Ita pariter se habet hoc loco. Tusculanum illi non ager Tusculanus est, sed Mons ille Tusculi, qui ipsi semper menti obversatur, ac propterea sibi recte deduxisse videtur. At nihil ex Livio contra assertum nostrum confici, immo rem potius a nobis stare illico apertum sit, si illud *ab Tusculano in Vallem Albanam descendantibus*, de copiis intelligatur, quæ non ab Tusculi monte, quemadmodum sibi fingit Adversarius, descendant ; sed de exercitu, qui ab Tusculano Agro in Albanum transiret. Qualis revera & Livii sensus habendus est (iis potissimum inhærendo, quæ de Tusculano ab Strabone asseruntur,) & qualem jure nobis licet asseverare, quoadusque a Cl. P. Zuzzeri probetur, nihil aliud per Tusculanum intelligi debere, nisi arduum illum montis ambitum, de quo tamdiu lis nobis cum eodem est : adeout plane perspicuum sit, argumentationem illius nihil omnino probare, & puram putam esse *petitionem principii* : quibus addendum tam parum eundem Zuzzeri, dum studio obsequatur suo, de fartis tectis servandis Tusculani Agri limitibus esse sollicitum, ut nullum plane, præter montem, Tusculani Agri tractum agnoscere videatur. Atqui, ex toties

g

repe-

(1) Num. III. pag. 7.

repetito Strabone succurrere illi debebat, Tusculanum Agrum meridiem potissimum, atque Albam versus satis late fuisse porrectum. Succurrere illi debebat alter Livii locus (1), ubi de Aëquis, qui in Algido castra locaverant, ait, eos ad Tusculanum Agrum depopulandum excurrisse: ita habent verba Livii: *Æqui alia ex parte Castra in Algido locant: depopulatum inde excursionibus Agrum Tusculanum*. Quod certe quum Algidus in edito situ, ac monte positus sit, & a Bo-reali parte editiora loca habeat opposita, minime consentaneum est credere, Aëquos ad excursiones faciendas, vel in eam partem se contulisse, vel ad magis ardua Tusculi diver-tisse; sed in eum maxime tractum ad impetum faciendum de-scendisse, qui Tusculani Agri tractus, & quidem maxime fer-tilis existeret: quod tam rationi, & veritati consonum est, ut si aliter fiat, & sententiæ P. Zuzzeri si acquiescamus; nul-lum fuisse Tusculi territorium dicendum sit. Succurrere illi postremo æquum erat, hoc se alio loco statuisse ad eluden-dam argumentationem de Aqua Crabra, contingere potuisse, ut tali Aqua alius Ciceronianus fundus irriguus fieret, qui non in summo monte, intra quem tantum conclusam Ciceronia-nam Villam; immo Tusculanum Agrum contendit, sed in de-cliviori, ac planiori infra memoratum montem tractu, & qui-dem meridiem versus, situs foret, qui ex illius etiam sen-tentia Tusculanus & esset, & appellaretur. Per quam suam priorem rationem, & sententiam posterior hæc, etiamsi ali-quid verisimilitudinis haberet, ab eodem ipso oppugnata cor-rueret. Verba ipsius pluribus locis, quæ pro priori opinione sunt, hic apposita apertam Adversarii nostri contradictionem mani-

(1) Lib. III.

manifestant. Ait enim (1): *Raccomanda Cicerone nella citata lettera a Pisone di pigliare a fiso nel Territorio Tusculano cert' orto, il quale, per quanto egli dice, stava in un fondo niente esposto al Sole dal che pare potersi dedurre, che dovesse la Crabra servire per quest' orto, il quale stando nel basso poteva commodamente averne.* Et alibi (2): *Posso ciò non è improbabile, che egli prescindendo anche dall'orto suddetto, oltre alla Villa avesse nel Tusculano un fondo, e possessione distinta, alla quale potesse giugnere l'Acqua Crabra.* Denique alia pariter vice, ubi apertius latiore adhuc Tusculani circuitum recipit, & agnoscit (3): *Non era cosa nuova, che nel medesimo Territorio i Romani avessero e Villa, e poderi da essa distinti. E per non dipartirci da Cicerone che meraviglia sarebbe adunque, che Cicerone, oltre alla Villa, avesse nel Territorio Tusculano altre Tenute, e possessioni? Ma senza cercare altro; Plutarco nella Vita di Cicerone fa espressamente menzione di più suoi poderi nel Tusculano.* Quamobrem evidens est; & Tusculani Agri satis patentem tractum fuisse, atque ambitu suo fertilem illam, & amœnam partem comprehendisse, quæ nunc Cryptæ-Ferratæ nomine nuncupatur, talemque constantem opinionem continuato tempore ad Patrum, & nostram memoriam firmiter permanisse ex Sententia etiam doctissimorum, & gravissimorum Virorum: quos inter propterea doctissimus Cardinalis Sirletus memoriam laudati Patris S. Nili in Romano Martyrologio die vigesimasexta Septembris ita exprimendam curavit: *In Agro Tusculano*

g 2

B. Ni-

(1) Num. XLIX. pag. 48.

(2) Num. L. pag. 49.

(3) Num. LI. pag. 50.

B. Nili Abbatis, Fundatoris Monasterii Cryptæ-Ferratæ, magnæ sanctitatis Viri; cui & illud conforme est, quod etiam ad XI. Novembris habetur: *In Monasterio Cryptæ-Ferratæ in Agro Tusculano S. Bartholomæi Abbatis, Socii B. Nili, cujus vitam ipse conscripsit.* Cui postremo constanti opinioni, atque traditioni pondus gravissimum ex eo accedit, quod regnans Pontifex Maximus Benedictus XIV. omnigena scientia, & eruditionis laude præclarissimus pro eadem sententia apertissime fiat, eamque receptiorem disertis verbis esse testatur, dum in Constitutione sua, quæ incipit — *Inter multa* — quæque 24. Aprilis MDCCXLVII. edita est, ita habet, etiam si Adversarii nostri Cl. P. Zuzzeri scripta anno superiori MDCCXLVI. in publicam lucem prodiiissent: *Et sane dubitari nequit, quin Territorium Cryptæ-Ferratæ situm sit inter fines Diœcesis Tusculanæ: nam præterquamquod in eo loco, ubi nunc Monasterium ipsum cum adnexis edificiis existit, ex magis receptæ antiquariorum sententia Ciceronis olim Villa fuit, in qua scilicet ille Philosophicas Quæstiones conscripsit, quas de loci nomine Tusculanas appellavit.* Quibus verbis nobiscum hac etiam in re apertissime facere Pontifex videtur.

XXXVII. Sed jam ut nullam intactam relinquamus ex iis oppositionibus, quas Adversarius, ut firmissimam, & maxime antiquam de Ciceronis apud Cryptam-Ferratam Tusculano opinionem everteret, in medium adduxit; ad illud leve plane, & contemnendum accedimus, quod Scriptor ille (1) de noxia aëris in Cryptæ-Ferratæ Territorio qualitate libere satis, nimisque audacter affirmat. Inquit enim Cryptam-Ferratam

(1) Num. IX. pag. 12.

tam in imo sitam esse loco, noxio perfundi cælo, variisque in locis montibus esse obductam. Id autem quam falsum sit, & testimonio diligentissimi Viri, & rationis præsidio, experimentisque ostendemus. Igitur Bernardus Sacchi (1) rerum antiquarum acer investigator hæc memoriæ prodidit: *Crypta-Ferrata in eminenti planitie posita Orientem spectat: Burgetum situm est in clivo, ad Occidentem verso prope planitiem Agri Romani. Inter Burgetum, & Cryptam-Ferratam antiqua Sylva per Stadti latitudinem clivum occupat: ab ipsa Sylva Burgetum versus; idest ab occasu aer, & aqua est insuavis; cuius rei causa Oppidum destituere omnes inquilini assiduo morbo perciti jamdiu coacti fuerunt. E contrario autem a Sylva ipsa Cryptam-Ferratam versus, hoc est ab Oriente, & a montis regione aer ibi amœnus, innocuusque die, ac noctu patet. Aqua etiam a fonte in medio pratorum saluberrima manat. Rationem hujus diversitatis admiratus Paulus III. Pontifex Maximus in rem præsentem profectus nullo modo reperit; quam ego quoque inquirō. Burgetum sulphureum fœtorem haurit ab infami, & perniciofa fovea exhalantem, quæ Sulphurata dicitur (2), & in planitie Agri Romani sita parum ab ea distat: qui quidem fœtor spirante occidentali vento directo statu in Burgeti oram infertur; sed minime ipse fœtor Sylvæ locum, clivumque transcendit; quod experimento uncuique patet: nam si ab hac Sylva egressus in prata Cryptæ-Ferratæ Monasterio propinqua gradum feceris, Orientalis plerumque aura a monte persans obvia tibi erit, ac recreabit euntem: quæ quidem aura, tum quod orientalis est, tum etiam quod ab innocuo mon-*

(1) Lib. I. cap. 7. de Italic. rer. variet. & elegant.

(2) Nostra ætate infamis, & perniciofa fovea nihil apparet:

monte prodit, ubi Rocca Papia infidet, sana est. Si qua igitur fœtoris pars, malitiaque in Sylvam a Sulphurata irreperet, aut si qua æstivæ caloris molestia a Romana planitie sursum evaderet: illa ipsa Orientalis aura ab alto, validiusque prodians, omnem aeris impuritatem facillime deorsum pelleret, ac in Burgesi situm longe inferiorem, juvante descensu, omnino detruderet, malumque malo in ipsius infelicitis oppidi perditionem adderet. Crypta-Ferrata ab aeris impuritate semper illæsa. Et sane Roma tibi Cryptam-Ferratam contendenti, ubi ad nonum fere ab Urbe lapidem perveneris, sensim via se offert molliter acclivis, tantumque itineris in ascensu patet, donec ad eminentem planitiem sit perventum, in qua eadem est sita; ubi puro, & salubri aëre hujusmodi locum apprime gaudere, ex eo potissimum, quod optimum talis rei argumentum habetur deprehendes, quod ibi ædificiorum tecta nusquam herbis obducta occurrant, ut aliis in locis in situ noxio, & sub gravi cœlo positis satis manifesto conspicitur.

XXXVIII. Ut futile porro memoratum de infausta aeris qualitate objectum est; sic etiam levia, & contemnenda alia illa P. Zuzzeri opinata sunt, tum quæ de more virorum Principum in editis, & eminentibus locis ædificandi (1), tum quæ de vulgari denominatione (2) in Ruffinella sua, vel contermino loco *Schola Ciceronis* superstite pro adjumento assertionis suæ venditat incautis. Et quoad primum, mihi certe videtur plane ridiculum, & risus, qui mihi oboritur, verba ipsa Senecæ, quæ laudat (3), materiam præbent.

boc

(1) Num. IX. pag. 11.

(2) Num. XII. pag. 14. & 15.

(3) Epist. LI.

hoc magis militare ex edito speculari longe lateque subiecta. Primo enim quæro ab Adversario, unde didicerit conjecturas afferendo, eas ex auctoritatibus transferre, ac deducere, quæ & ipsæ meræ conjecturæ sint; qualem Senecæ locus se præhibet. *Videbatur hoc magis militare . . .* deinde definiat mihi velim, quid de hujusmodi locorum eminentia statuendum sit: explicet mihi alia illa Senecæ verba, quæ mox subdit: *aspice quam positionem elegerunt:* postremo in hac cupiditate editissima quæque loca eligendi, approbet etiam potuisse unicuique esse facultatem, vel copiam, ut in arduis montium Villas suas, & ædificia collocarent; conficiat præterea ex eo, quod ut plurimum fit, id semper, & in universum fieri dicendum esse: nobis vero non deerit, quod nullo negotio reponere possimus; videlicet, quod, etiamsi dare velimus, talem fuisse veterum ducum ambitionem, & cupiditatem, ut editissima quæque loca eligerent; id primo non omnibus fuisset permissum; deinde quod ipsa loci eminentia humiliorum, semper locorum respectu sit metienda: ac tandem ex ea ipsa cupiditate, quæ omnibus inerat, ut in editioribus quibusque locis sua extruerent, ab omnis conjecturæ offensione, immunè evadit Tusculanum nostrum, quia quamquam & a Sylla prius fuisset possessum, & ab eodem, quod non certè constat, fuisset ædificatum, adhuc in tanta ædificantium copia edita illa loca dicenda essent, quæ proxima editioribus sunt, cujusmodi Cryptæ-Ferratæ ager, & tractus est, qui si non in montis vertice est positus, ad latera tamen Montis est situs, & in satis eminenti sede jacet, ut ex edito speculari longe, & late subiecta possit: denique illud omittam, ex toto Senecæ contextu evinci, huic auctori non de altitudine solum

solum propositum dicendi esse, sed de amplitudine etiam Villarum, & qualitate; ad quæ fortasse Cl. P. Zuzzeri, ut aliis locis eundem facere observavimus, nequaquam animadvertit. *Quibus ædificia excitaverunt locis, & qualia*: scias non Villas esse, sed castra. Et eni adversarii nostri conjecturis quot contrariæ conjecturæ pugnantes se offerunt. Quibus si fidere parum fortasse nos oporteret, qui tot aliis rationibus, & fundamentis meliorem causam habemus, multo minus illi fidentium conjecturis est, qui nullo, ut nos pro Tusculano nostro, neque valido argumento pro Ruffinella sua innixus est.

XXXIX. Jam vero ad vulgarem *Schola Ciceronis* denominationem veniendo; hoc certe quod & Adversario, & aliis maximi momenti videri possit, id nobis tantæ levitatis est, ut ne responso quidem dignum existimaremus. Verum ut oppositionis infirmitas, & levitas manifesto deprehendatur; primo lectorem animadvertere, & secum reputare velim, quot & quantam ad denominationes, quod attinet, vocabula non in locis modo, sed in urbibus, in Gentibus, in familiis occurrant; ex quibus, si ex vocabuli ipsius vi dumtaxat, vel de antiquitate, vel de præstantia, vel de nobilitate, vel de identitate, ut ita dicam, loci, Urbis, Nationis, Familiæ statuere velimus, non solum non semper acutè rem tetigerimus, sed vocibus potius, quam rebus sæpissime hære arguamur. Quis enim ignorat, quot cognomines Urbes, quot Gentes, quot Familiæ, quæ tamen inter se diversæ? Quis enī ignorat, oblivione ac vetustate, ut plurimum factum esse, ut antiquæ alicujus, ac celeberrimæ Urbis situs dum ignoratur, illius ipsius Urbis antiqua appellatio; inscitia hominum, ad Urbem recentiore dissito loco conditam translata sit? quem-

admo-

admodum ipse Adversarius in Ruffnellæ suæ denominatione evenisse suspicatur; cuius nomen *Scholæ Ciceronis* propter loci insolentiam, atque hominum oblivionem, ad quædam ruderæ parum a memorata Villa diffita attributa sit. Ex quo si conjecturis, Adversarii nostri exemplo, indulgere vellemus, possemus quidem, quod de veterum & recentiorum Urbium nominibus, idem & de Schola Ciceronis affirmare. Verum vim addere velle videremur objectioni Adversarii Cl. P. Zuzzeri, quæ, ut diximus, nullius momenti est, neque huiusmodi appellatio quemquam movere debet, qui perpenderit, quantum vulgaribus istis denominationibus dandum sit. Primo quia satis superque notum est, talia vocabula, sive prædiis, sive possessionibus a rusticis sic reperta, & consæta occurrere; ut nemo sanus ex vocabuli ipsius vi pro certo aliquid, de eruditis potissimum antiquitatibus deducere audeat; quippe quum in imponendis nominibus sæpissime vulgus multa pro ingenio suo confingat, & non semper certa ac firma ratione hac in re ducatur. Quibus omnibus si addideris, quantum ad Tusculanum Ciceronis in Crypta-Ferrata attinet, non hîc agi de traditione, quæ penes vulgarem gentem, sed de traditione, quæ penes eruditos, & rem litterariis antiquitatibus & monumentis censentes extiterit; vulgaris appellationis *Scholæ Ciceronis* difficultas omnino evanescit.

XL. Pari ratione omnia alia objecta evanescent, tum quæ contra Trapezophorum dicuntur, quod Ciceronis Villæ aptum documentum esse non possit, allatis ab Adversario conjecturis ex Ciceronis ipsius ad Gallum epistola (1), aliisque animadversionibus, quæ contra nos facere possint; quoniam

h

quum

(1) *Famil. lib. VII. epist. 23.*

quum de sententia etiam Adversarii, hujusmodi Trapezophora cuique hominis divitis communia esse possent, ut id nostræ opinionioni nihil suffragatur, sic certe nihil ex eo contra nos poterit deduci. Ac præterea, quum tot validissimæ rationes ad loci, & situs naturam, & positum, limitumque certam & aptam dimensionem, & aquæ cursum, & copiam spectantes, quemadmodum affatim superius demonstratum est, nobis militent, & e contrario oppositam sententiam plane falsitatis evincant; exigui pretii monumentum pro utraque parte ratio hujusmodi habenda est. Quod idem non modo de Hermathe-na responsum sit, sed de Porticu etiam, atque Atriolo, quibus in postremis quum Adversarius tantum pro Ruffinella sua fidere videatur, allatis etiam ex Ciceronis epistolis locis (1); non video quid ex iis vel pro eo, vel contra nos confici possit: hæc enim eodem modo, quo de aliis monumentis est dictum, & ædificiis omnibus erant communia, & Adversario probandum restaret, tales porticus primum nonnisi in Ciceronis Villa fuisse, ac deinde ea, quæ a se eruta jactat, revera talis formæ structuram exhibere, ut iis, quæ de Ciceronis Villa nominantur, omnino respondeant.

XLI. Et quoniam Adversarius validis, atque solidis, quibus nos pollemus, rationibus destitutus, industriam adhibere debet ad propositum finem obtinendum, primum artem Rhetorum videtur imitari, præscriptum quum sit, ut, si quando multa levia ad aliquid probandum argumenta suppetant, ea simul omnia veluti conglobata congerantur; talis omnino videtur esse ratio, quam tenet P. Zuzzeri ad efficiendum id, quod

(1) *Ad Atticum lib. primo Epist. 8. Ad Q. Fratr. lib. III. epist. prima. Fam. lib. VII. epist. 23.*

quod sibi proposuit : quinimmo alia deinde arte eundem inniti manifestum est, & ex lis tam variis, tam disparatis, quæ assert, monumentis, videtur potius eruditionem qualemcumque proferendo, speciosis tantum, non firmis argumentis niti, ac prorsus, quantum ad propositi finem & scopum attinet, alias plane res agere, id quod & ex musivo opere, quod ab eo laudatur (1), & ex inscriptis, sive litteratis laterculis (2), atque solario maxime probatur (3); quæ omnia in sua Villa eruta dum enarrat, maxima se habere documenta & rationes existimat ad nos ex antiqua Tusculani nostri possessione depellendos. Verum quanti hujusmodi res faciendæ sint, quantum referat ad facti, quod asserendum est, veritatem, injuriam lectori faceremus, si hîc perpendere velimus.

XLII. Et sane, sintne opera illa hujus, vel alterius ætatis, ad illud, an aliud Romæ sæculum referenda, antiquiorumne, an posteriorum artificum gustum præferant, ad Syllana tempora, an anteriora, & posteriora spectent, & talis Imperatoris gestorum præfagia, an symbola sint; quam parum ad rem, de qua agitur, faciat, quis non videt? Immo vero quis non potius videt, consuetas in hujusmodi rebus vicissitudines; taleque argumentum contra Adversarium potius, quam nostrum contra Tusculanum intendi posse? Ex eo enim quod tale monumentum ad Syllam referendum sit, nihil Cryptæ-Ferratæ Villæ detraheret, immo potius asserere videretur, quod de vicibus, quibus Tusculana Ciceronis Villa subiecta fuit, inter nos atque Adversarium convenit: eadem

h 2

enim

(1) Num. XXI. pag. 22. & seqq.

(2) Num. XXI. pag. 26. usque ad num. XXX. pag. 32.

(3) Num. XX. pag. 21.

enim ferme ratione, qua plurima monumenta ex Ruffinelliana Villa in Musæum PP. Soc. Jesu ornatus gratia translata sunt; sic tum ornatus gratia, tum invidia Gabinii adversus Ciceronem non modo opus illud musivum, sed quamplurimæ alia Ciceronianæ Villæ ornamenta ad Gabinianam Villam commigrarunt. Præterquamquod argumentum ex Solario petitum pro constituendo Ciceronis Tusculano, nullus non viderit, qui sciat, multo ante Tullii ipsius ætatem Solariis Urbem abundasse: quod ex his Plauti versibus apud A. Gellium (1), quos elegantia, & venustatis gratia hîc adscribimus, facile colligitur, & comprobatur.

*Ut illum Dii perdant, primus qui horas repperit,
Quique adeo primus statuit hic Solarium,
Qui mihi comminuit misero articulatum diem;
Nam me puero vetus erat Solarium
Multo omnium istorum optimum, & verissimum,
Ubi iste monebat esse, nisi quum nihil erat;
Nunc etiam quod est, non est, nisi soli libet:
Itaque adeo jam oppletum est oppidum Solariis,
Major pars populi aridi reptant fame.*

Ex quibus optime deduci potest, talia vel commodi, vel ornatus gratia Villis omnibus potuisse esse communia.

XLIII. Ad laterculos autem veniendo facillimum quidem, omniumque persuasioni obvium responsum est; quamvis enim probari ab Adversario nostro posset (2), nomina SVL., SVL. ANIN. P. P. F., JVS .J, IAG. SVL., TVKI in lateri-

(1) *Noſt. Antic. lib. III. cap. 3.*

(2) *Num. XXIV. pag. 26.*

teribus inscripta vel Syllam, vel Ciceronem, vel alias quascumque personas designare; nihil adhuc ex eo vel pro Gabiniana Villa, sive Ruffinelliana, sive contra Tusculanum nostrum, neque in ejusdem etiam favorem deducendum esset. Quis enim est, qui ignoret, temporis tractu, multa quum ædificia corruant, nova extruantur, sæpissime locum esse, ut ex ruderibus unius materia congeratur ad novi alicujus operis constructionem? Quod si iterum corruat, & talia tractu temporis rudera effodiantur, quam falsus esset is, qui ex talibus monumentis repertis firmum, æquumque judicium ferret, locum ubi ea effossa sunt, illum esse locum, ubi ædificium illud fuisset, domini illius, cujus nomen vel lapis, vel laterculus, vel aliud monumenti genus inscriptum exhiberet? Quod & in columnis, in sepulcris, & in quadratis lapidibus, tum in sacris; tum in profanis ædificiis passim evenire experientia confirmat. Præterea tandem si per laterculos illos Cl. P. Zuzzeri inibi L. Syllæ primum, Ciceronis tum Villam fuisse persuadere nobis contenderet: non quinque, at plurimi lateres in Cryptæ-Ferratæ Territorio reperti characteribus his insigniti SVL., PHIL. SVL., RVFI SVL., CHER. SVL. idipsum pro nobis evincerent. Quid si quis lateribus illis, quos idem pro se affert, L. Syllam, qui XXXIII. Æræ Christianæ anno consulatum gessit, vellet denotari? Quid si quis laterem illum TVKI ad Tullorum Familiam, ex qua C. Tullus anno Christi CIX. Consul iterum fuit, pertinere vellet? Nam quum ex hujusmodi lateribus; nominibusque inscriptis admodum leve sit argumentum; utriusque litigantis par erit ratio. Præterea si cujusdam Cl. Viri Jesuitæ fide & doctrina præstantissimi di-

h 3

ctis

(1) Num. XXIV. pag. 26.

ctis standum esset, qui nostris apertissime falsus est, inter lateres illos, alterum quoque fuisse inventum, in quo SVLANI plane & probe legebatur; quatuor illos lateres ad Sullanum pertinuisse asseverando, maxima quidem cum probabilitate controversia omnis de medio tolleretur.

XLIV. Quod si præterea ad labra in Balnei usum animadvertendum sit; idem dabimus responsum, quod de solario, & de porticu, & de atriolo alio loco datum est. Talia enim instrumenta, quemadmodum Balnei usus antiquis communis erat, nulli Villæ insolita fuisse credendum est. Atque, ad hoc quod attinet, si talibus nos monumentis fideremus; talia etiam pro nobis ad rem probandam profferremus. Verum quia levis momenti sunt, quemadmodum & Adversarius ipse non multum in ea re niti videtur; tantummodo, ne Lector tale aliquod monumentum etiam a nobis desideret, pro certo affirmare possumus, quum alterum, Monasterii nostri latus anno 1739. extrueretur, Cameras tres oblongas, totidem portis sibi respondentibus instructas, fuisse detectas: ac desuper ea per loca fornicata uber profluebat aqua. In ejusdem quoque Cœnobii horto labrum ingens e marmore durissimo, ad Balnei quondam usum, asservatur, ac demum alia etiam labra in suo Tusculano Ciceronem habuisse, aut e ligno, aut alterius materiæ, mobilia siquidem, & levia, ex Ciceronis ipsius verbis in epistola ad Terentiam, manifesto deprehenditur (1). *In Tusculanum nos venturos putamus . . . labrum si in Balneo non est, fac, ut sit; item cætera quæ sunt ad vitæ, & ad valetudinem necessaria.*

XLV. Cæterum quum hac super re assatim jam dictum

a no-

(1) *Ad Famil. epist. 20. lib. XIV.*

a nobis sit, & ad Tusculani Ciceroniani apud Cryptam-Ferratam situm quantum attinet, abunde, & validis rationibus systema posuerimus, nihil aliud restat, quam deprecari a lectoribus veniam, quod in quibusdam, iisque levibus, ac minutis oppositionibus diluendis ab Adversario coacti, nimium multi fuerimus; quas certe satius fuisset præterire, postquam prima fundamenta statuta fuerant, & potioribus objectionum capitibus responsum erat, per quas ab Adversario talia fundamenta impetebantur; qualia fuerunt ea, ut alias dictum est, quæ ad veram, & genuinam Topographiam, ad loci genium, ad aspectum, ad limites, ad alia adjacentia, ad irriguam prædii naturam, tum ex constanti de Ciceronianæ Villæ dotibus, & præcipuis qualitatibus, tum Ciceronis ipsius, suorum æqualium testimonio, & gravissimorum Geographorum, Strabonis videlicet, potissimum pertinebant. Verum, quia omnia ea speciosa, quæ a Cl. P. Zuzzeri in Dissertatione sua erudite potius, quam ad rem allata sunt, poterant fortasse lectores aliquantisper dubios facere; quum novitas hoc potissimum tempore maxime arridere soleat; propterea nihil intactum duximus relinquendum, sicuti nec ad extremum relinquimus, quæcumque sparsim affert de recentiorum Auctorum testimoniis, tum celebris Jacobi Sponii in suo per Italiam itinere, tum Kircherii, & Eschinardi, aliorumque complurium, quos a se facere quum ipse autumet; necessarium existimo lectores admonere, ne se in eo falli sinant, illud semper attente reputando, quantum in hisce rebus, & quæ de causa, auctoritatibus dandum sit.

XLVI. Et quoniam, quos ipse laudat Auctores, nihil in medium afferunt, nisi conjecturas; idcirco iterum, & sæpius
admo-

admonendus lector est, rem ad conjecturas tantum redire, unde facile deduci possit, quantum in iis momenti sit, si ad ea respiciatur, quæ ex opposito constanti assertionem, antiquissimorum Scriptorum auctoritate, & rebus ipsis clarissime evincuntur. Et sicuti Scriptores ab eo allati modo opinionem, modo traditionem pro fundamento dant; satis in aperto fit, quibus fundamentis tota Cl. P. Zuzzeri Dissertatio innixa sit: simulque quale oppositæ sententiæ nostræ pondus existat, quæ aliis longe diversæ naturæ fundamentis nixa sit. Clarissimam faciunt rem, quæ per me affirmatur, verba ipsa Adversarii, si hæc afferantur, ex quibus nemo per se non deprehendat, qualia ipse adducat, qualia aucupetur, & quam leviter ipsemet in iis confidat (1): *Godo, che questa mia sentenza del sito della Villa Tusculana di Cicerone sia stata già la comune fra gli Antiquarj de' tempi trasandati, il che può essere di non lieve argomento pel nostro intento. Il celebre Giacomo Spon (1) nel suo Viaggio fatto per l' Italia nel 1675. portossi a vedere il luogo. dove stava l' antico Tusculo, e parlando del sito della nostra Villa, dice le seguenti parole -- La tradizione ci assicura essere stata la Villa di Cicerone --*. Quis ex verbis ipsis Cl. P. Zuzzeri non manifesto deprehendit, quales is, ut ita dicam, ansas captet, vel arripiat, per quas tamen nihil aliud efficeretur, nisi ut rem probabilem tantum, & minimo quidem probabilitatis gradu faceret? Quod manifestius est ex iis, quæ deinceps immediate subjungit (1): *Il Padre Kircher dice espressamente, che molti Antiquarj de' suoi tempi eran di*

(1) Num. XXXI. pag. 31.

(2) Voyag. lib. 1. pag. 43.

(3) Latium Part. II. Cap. I. pag. 56.

di parere, che la Villa di Cicerone stesse sopra il Monte Tusculano nel luogo appunto dell' ultimamente scoperta Villa : dove allora si vedean sopra a terra i soli ruderi : Atque ut de levitate conjecturæ, nec satis constanti testimoniorum assertione quidquam accipias, animadvertit, quæ paulo post sequuntur : E' ben vero, che il P. Kircher crede, che in questo luogo stesse l' Accademia Tusculana di Cicerone, e che esso vi si portasse co' suoi amici da Grotta-Ferrata (creduta dal Kircher Villa di Cicerone) a fare l' erudite conferenze sopra le materie Filosofiche ; ex quibus quæ probandi ratio ab Adversario teneatur, nemo est, qui per se non cognoscat.

XLIX. Verum quia Cl. P. Zuzzeri cum iis, quos producit, textibus ad traditionem potissimum videtur confugere; hanc ineundo viam, causæ suæ perperam sane consulit: non enim animadvertit, imprudenter se in eum locum incidisse, qui totus contra se est, & unde vix possit effulgere. Etenim si traditione hîc pugnandum sit, quomodo se Adversarius expediet, quando a nobis intelliget, præter præcipuas, & firmiter statutas rationes, ab antiquissimo usque ad præsens tempus stare sinceram, ac genuinam traditionem? Hoc manifestissimum statim est, ac tum nostra Dissertatio, tum Adversarii legatur; ad quem enim finem confecta est Dissertatio Adversarii, nisi ad antiquissimam traditionem, quæ pro nobis est, convellendam? Ad quem finem confecta est Dissertatio nostra, nisi ad excludendam, non dico traditionem, sed opinionem, quæ nonnisi ab eo tempore convalescere coëpit, quo a PP. Societatis Ruffinellianæ Villæ emptio facta est; pro qua statim de Ciceronis Tusculano exorta quæstio super traditione fundata venditatur.

XLVIII.

XLVIII. Quamobrem ne ad nauseam usque plura hic de hoc argumento congerantur, tum ad assertum nostrum evincendum, tum ad alia Adversarii minoris momenti objecta, diluenda; contenti erimus tam potiora rationum capita, quæ a parte nostra sunt, statuissè & confirmassè, quam difficultates ab Adversario objectas, quæ aliquibus fortasse magni ponderis videri potuerint, penitus sustulissè. Quibus, ut par erat, præstitis, neminem arbitror, qui rem justo judicio perpendat, futurum, cui super Ciceronis Tusculani in Cryptoferateni Agro, & Coenobio nostro, antiquo situ vel minimus scrupulus reliquus futurus sit, quique non malit, non modo cum vetusta, constanti, legitimaque traditione, sed cum gravissimorum Geographorum, aliorumque veterum Scriptorum auctoritate, & cum manifestis rationibus, quæ ex Cicerone ipso, & æqualibus suis elucescunt; potiori antiquæ sententiæ magis acquiescere, quam novitatis studio, ad plausum captandum, & se, & alios in errorem inducere, posthabita, cura veritatis, qua nulla res hominibus potior, carior, aut antiquior habenda est.

F I N I S.